

門 儿 7
疏 3143
卷 4

舟車所至

維西見聞

節錄安陸余慶遠原本

維西於唐為吐番東封明萬厯間麗江土知府木氏寔強率麼些兵攻吐番以巨木作碓崩其碓屠其民徙麼些戍之諸番懼皆降於是維西及中甸並現隸四川之巴塘裡塘木氏皆有之收其賦稅內附

本朝初屬於達賴喇嘛康熙時逆藩吳三桂叛其孫世璠割以賂青海求援維西復淪於吐番後收復以土官羈縻之雍正時以其為雲南西北門戶乃分隸鶴慶府移通判治之建城設兵舊頭目七給土千總銜三土把總銜四分治其地而受約束於通判乾隆

昭和十一年
十月六日
購求

十九年改隸麗江府

滇省視中土為極高而維西又滇之上游地廣二三百里袤千四百里在浪滄金沙江之岸有土可耕居其民而治焉但兩江之間皆崇山峻嶺道路循沿江一綫江沙產金岸內之山產銀及銅亦滇地所同今取其不同者紀之

近城山環而風不烈氣候稍溫春夏多淫雨秋冬多嵐霧三伏晴明亦必衣絮雨必衣裘四時入夜尤寒八月即隕霜四月方止九月雨雪十月成片而下踰時盈尺然十一月雪積數尺而人却可不事重裘夜結堅冰晝則悉融故夏寒甚於他方而冬寒轉遜於中土

其宗喇普逼近金沙江地卑氣暖夏甚溽暑冬日和煦彷彿昆明穀麥多豐花木最勝

康普葉枝在浪滄江干地勢卑氣亦暖環山積雪與近城相似

奔子欄亦在金沙江岸地隘夏炎暑峯頭多雪冬令殊寒

阿墩子近西藏青海雪山亘古引領常見冬嚴寒黃霧頗同塞外多西北風四月猶雨雪也

栗地坪在城東四十里適維西之路經焉高三十里峻嶺重複緣溪險仄如階如梯喬木壅蔽上不見日嵐重多雨雖盛夏衣裘三冬積雪盈丈前者路旁每丈立一高竿離地三尺又繫一橫欄路被雪積督兵卒循欄往還踐之二三月雪初融人猶可行馬尙慮

陷立夏後路乃出若深山之雪積自上古也近年兵卒路熟雪亦少減不復立竿矣

白銕山在城北一千三百里高四十里九月積雪六月始消七八月已風寒徹骨人升高氣喘口鼻迎風不能呼吸輒僵不甦土人謂之寒瘴一至山頂黃霧四塞五步之外不復見人若高聲言笑卽召拳大之雹人馬多斃

梭石坡在城西北四百里

自城往阿墩子所必由

其山沙石相雜長及三里

下臨浪滄江或風或雨沙卸石頽江干樹木觸之立折人必無風雨方可踏沙以行若行未竟而忽風作人馬以斃聞者屢也別駕謝公欲至對岸開路又欲於江上置舟相度形勢均不能辦

溜筊江金沙浪滄兩江水並洶惡舟不可渡橋不可建乃設溜筊兩岸繫大筏纜此高彼低以大竹筊式如瓦戴於纜筊下絡繩渡者人物就絡從高順下登彼岸史記所謂竿也數處皆同
麼些唐書有麼些兵元籍麗江明木氏土知府攻取吐番徙麼些居之後漸蕃衍倚山而居覆板爲屋自建設以來男皆剃頭辮髮不冠多以青布纏頭衣盤領袴不掩膝 婦髻向前耳環粗如藤所綴銀銅視家貧富衣白褐及臍爲度以裙爲裳蓋膝爲度不著袴裏賺朋束花布帶女紅皆不習
男婦老幼率喜佩刀爲飾不沐不浴衣不澣雪亦跣足嚴寒則背覆羊皮或白毡近頭人效華服冠履改制而婦妝仍舊

地大戶繁者為土干總土把總下為頭人為鄉約為火頭皆各子其民子繼弟及世守莫易稱為木瓜猶華言官也所屬麼些見皆跪拜

奉物對語屈一膝有事赴愬若不率頭目鞭笞之火頭見土官頭人則拜而侍坐若賓主為禮俯首以手撫胷久不見及節序則交拜父母在子有往必告必面出返必拜

俗多畜牛羊及琵琶豬冬來屠豕去足撐腹醜令如琵琶形為富農時助頭目工三

日穀將熟取其青者蒸而舂脫粟曰扁米家獻二三升臘奉雞米元日頭日以酒飯勞之愚氓性情悉不善治生河干山麓可耕之地多不墾蔬圃果木之利不興惟喜獵愛犬有易三犢者穀麥未熟先以半值售其五六及熟則治衣釀酒坐食之故麥秋一月而飢西

成三月而飢至於蔬食菜羹併日而食習以為常

人無姓氏以祖名末一字父名末一字再加一字為名遞承而下以誌親疎有字跡專取象形人則圖人物則圖物以為書契

俎高一尺鋪毡踞坐貧則草茵延客肴不過三酒一盃餽餘客攜去臥無衾禡夜則攢薪置火各以蓆袒裸環睡反側而烘腹背

盛夏亦然富者備衾枕毡禡亦置火露上身烘之娶以牛羊為聘頭目家并用馬或至數十人死無喪服棺以竹蓆為底盡懸

死者衣於柩側而陳設所有頭目家喪則屠羊豕所屬麼些吊皆飯之死無貴賤三日後舁至山厝薪灌酥焚而棄之但取骨灰一寸瘞之每六月五日則祭於瘞所迎神於家豕小豕祭焉三年後

不復祭 病不醫藥延巫禳祝竭貲以酬 俗淫昏闇則男女歌相悅之詞其詞比體音商以哀彼此唱和每奔合於幽澗深林喇嘛之長至少長男女皆禮拜佈施無吝貧則金俎之微亦以奉若西藏大喇嘛至禮拜佈施益甚得其片紙隻字必厚酬貧者雖其糞穢亦供奉不怠頭目有二三子必以一爲喇嘛歸則踞坐中庭父若母皆拜

自設流官以來其人俱恭順畏法讀書識文字者多有之補弟子員者四人中式武舉一人

古宗卽吐番舊民也是木氏屠未盡者散處於麼些之間爲麼些古宗惟婦髻辮髮百股又耳環細小與麼些異其餘略同若聚族

於奔子欄阿墩子者爲真古宗以土覆屋喜樓居近衢市者男則剃髮衣冠尙仍其舊僻遠者男披髮於肩冠以長毛羊皮染黃色爲檐頂綴紅線纓紅綠十字文罽爲衣冬羊裘不表闊袖束帶佩尺五木鞘刀著紅皮靴出入乘馬韜韞極麗 婦辮髮下垂綴珊瑚綠松石爲飾衣蓋腹百褶裙蓋臙肘俱彩罽爲之項掛色石數珠裙或文罽襪單革軟底無袴履一婦裝飾有值數百金者 土官頭目剃頭辮髮入城衣冠用華制歸則易之

墾山地種青稞黍麥炒爲麪畜牛羊取酥熬濃茶入酥與麪搗爲縉粬食止拳大一團延客置酒盈尊俾自酌牛羊肉物食不盡以衣裹去食已手脂膩悉揩於衣貴賤皆然其身率羶穢不可近此

其所以爲臬古宗也

兄弟三四恆共一妻指各有缺入房則繫玦於門不素不爭

兄弟六七

者乃娶二妻

或欲獨妻則謂之不友女家亦不許故土官頭目家非不

裕亦同染汚俗子女互配華人或通其妻亦莫之問也 凡交易

皆與婦人議持數珠會計甚捷他方人商其地類租婦以主貿易

去則婦還古宗收其所生之子女爲酬焉

人死或掛木食鳥或投水食魚或火焚骨棄阿墩子以上人死延

喇嘛誦經三日吹笳而鵠至剝肉食之剝工取髑骨一臙肋骨二

以爲值髑售爲器臙售爲笳也

民見頭目之儀與麼些同訟以賄多爲直 制竊盜法最酷或斷

手足或剝目炙酥灌之 其工頗巧製鍍銀鐵器極精華人亦不

能爲 歌曲雖不解而抑揚淫液節奏可聽琵琶三絃胡琴之類

俱備特形製少異耳 亦知歷法月大小及閏稍有前後日月食

但知時刻分秒則不能推矣

臬古宗性强悍難制稍不如意卽糾黨互鬪喇嘛爲排解乃散其

受治流官凡事執自明舊規以爲說動肆桀驁後必有以處之

那馬本蘭州民流居已不能考其時代姓氏男女衣飾雜用古宗

麼些之制而受制於麼些 土官頭人女嫁先已與人苟合有子

悉從嫁夫喜之旣嫁遂禁人近 人家女與人通父母不之禁其

兄知則殺通者 同堂之子女卽互配 死置屍於庭陳設死者

衣冠而哭姻婭弔於百步朋友弔於五十步攜尊酒灌屍口躡踊卒哭而拜五日昇而焚之葬骨立墓歲時俱祭喪服尤嚴五世後子姓姻亞皆有服先重後輕以次不遺故其人長年皆白衣也

巴苴元世祖取滇其隨從流落者不知其爲蒙古何部落也浪滄江內板屋與麼些雜居男挽總髻耳帶銅環自建設以來亦知剃髮衣服同麼些 婦人辮髮爲細縷披於後瑪瑙碑磔爲串繞於項垂於肩行作錚鏦之聲頂覆青布衣盤領及腹裙如鐘掩膝不著袴襪裹毡跣足能辟纏縫紉 兄弟死婦女歸於一人

栗栗男挽髻戴簪編麥草爲纓絡綴於髮閒黃銅勒束額耳帶銅環色尙黑出入佩刀婦挽髮束箍耳帶大環男女常跣 喜居懸

岩絕頂墾山而種刈穫釀酒晝夜沈酣粒食罄執勁弩藥矢獵禽獸疾走於危峯絕壁婦女從之獲則或烹或炙雖猿猴亦食 採草木爲和合藥男女相悅暗投其衣遂奔而從 婚以牛聘喪則棄屍 借貸刻木爲契負約則延巫祝釜熬沸膏爲誓能手不爛者爲直一切賭信同然 性剛很嗜殺然麼些土官頭目猶能制年奉頭目麥黍共五升新春必率而拜焉 栗栗一種在滇爲夷中最劣維西者受制麼些猶云馴順

怒子居怒江內界連緬甸素號野夷男女披髮面刺青文首勒紅藤蔴布短衣男著袴女以裙俱跣覆竹爲屋編竹爲垣穀產黍麥蔬產薯蕷獵禽獸以佐食無鹽無馬騾無盜賊路不拾遺非禦虎

豹外戶可不局人精爲竹器織紅紋麻布麼些不遠千里往購之
性怯懦常苦粟粟侵凌雍正八年聞維西已設官建城因貢黃蠟
八十觔麻布十五疋山驢皮十鹿皮二十求納爲民永爲定例官
爲上聞 奏許之犒以砂鹽官爲嚴諭頭目約束粟粟毋侵犯邇
年其人以所產黃連入售內地夷人亦多負鹽至其地交易其人
敬禮而膳之不取值且衛之出自入貢以來受約束知法度省志
謂其剛很好殺過矣

喇嘛有紅黃兩種蓋佛教本天竺

在怒子國西

相傳達摩起教至今已

千六百餘年矣本紅教也黃教宗客巴在明永樂時從紅教自別
爲黃教究正宗旨不事邪術傳兩弟子曰達賴喇嘛曰班禪額爾

德尼傳五世達賴班禪預知我

大清之必將撫有中土也取道蒙古越萬里朝貢 盛京獲封號

至今黃教在維西者皆達賴宗派 紅教有十三種在維西惟格
馬一種衣冠皆紅其食肉嗜利與黃教同經籍亦不異古宗奉黃
教者多若麼些皆奉紅教

物產

青稞質類麩麥莖葉類黍耐霜雪高寒之地皆種之經一年乃熟
七月種次年六月穫夷人炒而舂成粉入酥爲縉粍

珠蓇莖葉類人蓇其根皮質亦似蓇而圓如珠故名若奔子欄與
栗地坪所產皆在雪盛之地味更苦而性燥並無補益

佛掌蓆產奔子欄莖葉稍類蓆而根形如佛掌質性又在珠蓆下
雪茶阿墩子奔子欄大雪夏融中生草葉白色無根採取作茶汁
色綠味苦性寒能解煩渴然多飲則腹泄蓋積雪寒氣所成者
小桃紅葉如海棠花赤色實如龍眼而扁有楞香類木瓜二月華
十月摘實鄉城皆有之

藏桃奔子欄有五株葉如楊柳花絳色似桃而瓣長大十二月放
花三月始盡六月實熟味澁不可食其核內肉味香而甘相傳康
熙時種來青海取其核再種之皆不生

紅嘴鴉形如雞嘴較長鳴聲如鳥人飼之馴行則翹翥飛隨

飛鼠即爾雅鼯鼠浪滄山谷皆有之飛不高遠弩取之為裘有耀

松根豹大於豹穴地食松根毛燦黑質白章善走嚙人

雜記

人體飲器人體四片有理無隙相合不開古宗漆之而盛於囊佩
於身謂可却鬼若盛湯水供佛非此不敬其飲茶酒亦必用之阿
墩子以上剝工售此器其他或於棄屍肉潰而取之

人體鑿用二體骨漆合之又以人肱骨為柄脛骨帶筋漆聯之為
兩旁耳作佛事則持而搖黃紅兩教喇嘛皆用之此即金川人皮鼓

人骨筋兩教喇嘛各有一筋以人臙骨為之吹以逐鬼及作佛事
聲如鬻策而淒商過之聞之令人悲而栗取骨於屍貴生時其人
修而肥者竅深大而其音肆尤貴華人者其骨薄潤而其音清尤

貴生剉華人修而肥者之骨其音肆而清且有生氣而應愈遙西
藏夾霸盜賊也劫華人至其地者奪其財貨又生剉其二臙肋黃教
喇嘛不惜數十金求之

羊骨上夷人食殺取其膊骨焚香而懸於佛堂之門其下也焚香
取骨置爐上再拜祝以所謀炙灼閱時反骨視其文直者吉了义
而文明有理者次之亂者凶昔契丹今蒙古並有羊骨卜同此

餽飽革囊也剝殺皮紮足噓氣令飽騎以渡水

皮爐剝殺皮縫合縛竹筒通氣以手按之同於橐籥

熊夾熊力大而好拔木椿栗栗伐巨木劈其半削木牡釘劈處使
開張數寸熊過騎於木而拔之牡去牝合夾其腎囊鬻肉獲之

猿柵掘地成坎上釘木柵畱孔僅容猿手置菓於下猿以手取而
縮不出狂嘯而不知釋菓可脫多爲人獲

藥矢及鏃皆削竹而成鏃沾烏頭汁射中禽獸立刻麻木而僵若
穴地縛小羊於下機絆穴口虎豹至以爪攫羊機動矢發中其胃
脇行數武卽倒

夷字麼些古宗皆有字用楮墨而無筆竹錐三寸膏煎以堅其顯
以大指食指指而書之

鐵章稱信子大小方圓不一大不徑寸厚二分刻古宗字土官頭
目則刻其地銜木柄長寸有孔可繫組佩麼些那馬巴苴皆有之
上及下色用赤下奉上色用黑 又熬茜草汁成紫色膠爲餅同

鐵章佩之凡紙絨皮囊烘膠塗口而印以鐵章人莫能拆

口琴竹片為之長四寸闊三分刻虛之而中存一線之篋為絃首尾橫處皆存絃首聯於橫尾視橫齊處長一分刻下其橫處而絃寄於其間如是者三具絃粗細等而下以左手大指食指排持三片之頭張口而置其正中於口閒以右手食指中指無名指搏上中下片之絃之尾長處錯落而彈噓氣大小以定七均之高下古宗麼些那馬西番皆以筒佩之彈以應歌曲彈者身舞足蹈而與歌合節

舟車所至

西藏紀聞

輯錄

聖武記諸書
衛藏圖志
評加

藏地凡四部曰前藏中藏後藏阿里統稱西藏其人曰唐古忒

前藏在四川打箭爐西以察木多亦名康又名昌為都會自打箭

裡塘巴塘至察木多皆前藏地雍正二年平青海之叛留兵鎮以

駐藏大臣收裡塘巴塘歸四川設宣撫司治之以維西中甸歸雲

南設二轄城九此所謂城量地小大官至京九千餘里

中藏在前藏西南以拉撒即喇薩亦名為都會轄城三十至京一

萬二千餘里

後藏在中藏西以札什倫布為都會轄城十八至京一萬三千餘

阿里在後藏西亦轄城十二至京一萬四千餘里

合四部之地東西六千餘里南北五千餘里東界四川打箭爐雲

南麗江府東北界金川青海海周數百里十三峯環之海中有二島人跡不至番僧習禪定者冰合時

裏一歲糧往休焉其民皆蒙古共北界黃河源沮洳千里布達拉

二十九旗佛教之盛同於三藏庫車來藏必由之要路冬雪封山夏有鐵索橋為天險西北界葉

爾羌西界雪嶺岡底斯山在阿里西三百里為天下諸山之太宗

外其餘大小金沙江及瀾西南界廓爾喀其外為天竺南界雅魯

藏布江由緬甸入海東南界怒江其外為狒

源流

虞夏時為三危舜竄三苗於三危即三藏也

商時為氏羌來享來王

周平王東遷後羌逼諸夏雜居隴山伊洛之間

漢武帝拒之塞上曰西羌

晉懷帝時有赤亭羌姚萇滅苻秦稱帝於長安後為劉裕所滅

隋時有索倫贊者居牂牁西滅吐渾以禿髮為號訛為吐番

唐太宗時其王弄讚遣使朝貢請婚不許入寇敗之謝罪太宗以

宗女文成公主下嫁弄讚別為公主築城居之漸慕華風遣子弟

入國學習詩書

則天時弄讚孫又請婚以所養雍王女金城公主下嫁亦別築城

居之

睿宗時請河西九曲地不久叛

元宗時恃強悖慢破之請和命使臣往視金城公主朝貢如初後乘唐閒隙盡有戎境

肅宗時吐番遣使請盟郭子儀令於鴻臚寺歃血以申番戎之禮代宗時吐番入長安立廣武王為帝郭子儀擊之遁

德宗時遣官盟於清水即大詔寺前甥舅連盟碑也後吐番助渾瑊大破朱泚許以報未與入寇大破之盡復所侵地

穆宗時復請盟以其地乃臧河之所流臧當作藏自此名為西藏後不復叛其國亦衰

周世宗時西河節度使奏請授吐番官

宋太祖時有回鶻二百人及僧十人自朔方來欲取經天竺

詔褒答之此番僧所由來也

太宗時吐番入貢優禮之朝貢不絕授官於宋然亦未嘗無邊患遼時亦入貢

元世祖郡縣吐番之地設官分職領之於帝師帝師八思巴者生言國人稱七歲誦經數十萬為神童封帝師八思巴為大寶法王賜玉印所以敬信而崇奉

之者重且周也

明初以其部落有烏斯藏頗馴謹因統名西藏為烏斯藏懲唐世吐蕃之亂因其俗用僧徒化導

成祖聞西僧哈立麻有道術遣使迎至京師為高帝后薦福於靈

國寺現卿雲甘露青鳥白象諸瑞因封為大寶法王其徒三人皆封國師其地倚中國之茶為命當時入貢者優以茶布諸番戀貢市之利且欲保世官終明之世授官加號羈縻之不敢為變也本朝

太宗文皇帝崇德七年後藏班禪額爾德尼謂東土有聖人出偕中藏達賴喇嘛越數萬里來朝因嘉納之約歲通貢表後順治中第五輩達賴喇嘛入覲

世祖章皇帝特賜冊印封為統領西天佛教普覺幹濟達賴喇嘛時蒙古佔什汗以兵滅藏遂有藏地傳其子達彥汗孫達賴汗皆敬附中國後第巴三謀亂佔什汗曾孫拉藏誅之遣使入告

聖祖仁皇帝命嗣為汗而達賴喇嘛又生於裡塘青海蒙古迎至西寧塔爾寺坐牀建牙開府之謂適準噶爾生釁攻殺拉藏汗虜其子蘇爾札名為興教而實滅之藏民籲吏上請特遣將軍額倫多等統兵援之賊欲北遁有姦僧黑喇嘛從中煽惑賊眾復逞螳臂抗我戎行

聖祖仁皇帝赫然震怒命將統六師撻伐誅黑喇嘛及偽藏王即將塔爾寺之噶爾藏嘉慕恩錫達賴喇嘛名號給冊印坐牀於布達拉以土地人民賜之時康熙五十九年九月十五也並勅封拉藏汗舊臣康濟爾阿爾布巴隆布爾頗羅爾札爾爾五人為貝子貝勒台吉噶隆有差分守藏地雍正元年胡土克圖自喀

丹直所至 四
爾喀來朝卒於京年九十矣

世宗憲皇帝親臨致奠錫名號冊印遣使護其喪歸五年胡土克圖轉生庫倫 詔賜銀十萬造寺以綏喀爾喀之衆冬阿爾布巴隆布爾札爾爾忌巴勒康濟爾之權殺之欲投準噶爾 特遣左都御史查郎阿進討頗羅爾時守後藏糾札什倫布之衆至詔地擒爲亂者候大兵至奏請誅之藏地復安 勅封頗羅爾爲貝子總領藏事畱正副二大臣統川陝兵二千鎮守之是爲大臣駐藏之始是年嚴兵備準夷收前藏東西二巴塘裡塘隸四川中甸維西隸雲南惟察木多以外仍屬西藏乾隆四年晉頗羅爾爲郡王領藏事如故後頗羅爾卒 囊王於十五年謀逆伏誅遂除

西藏王爵凡藏事 命駐藏大臣與達賴喇嘛相協裁決二十二年準夷殄滅三藏無北顧憂矣四十五年七月後藏班禪額爾德尼來朝舊例達賴班禪入朝惟跪不拜至是固請拜

高宗純皇帝嘉其慕義從之賞賚惟厚又在京王公大臣及草地各蒙番所虔誠供奉者無慮數十萬其寶冠瓔珞念珠晶玉之鉢鏤金之袈裟旃檀華旛磁茗采帛珍瑰不可勝計十一月班禪形化於京次年春舍利金龕西歸

駕幸西黃寺送之班禪兄仲巴呼圖爲治事財寶皆爲所有班禪弟舍瑪爾巴亦習紅教垂涎所有無分惠又衛藏數千里番騎萬有四千步兵五萬皆達賴所轄班禪惟住持寺廟不轄地故於達

賴所屬之戴嗒諦巴

各職事名號

等及守藏之唐古忒兵皆外視之亦

無施予藏地苦寒仲巴載寶旋歸一切皆為已有於是舍瑪忿唆

廓爾喀引之入寇藏備適弛飽掠而去駐藏大臣飾奏賊蹙乞降

諷以入貢受封賊遂藐視內地此五十五年事也次年賊以責負

為名再舉深入大掠札什倫布全藏大震駐藏大臣飛章入告

特遣福康安海蘭察統大兵往討連敗之盡復藏地又大舉深入

六戰六捷適其隣印度知而截其後廓爾喀舉國大恐遂卑詞乞

哀乃允其成畱官兵四千戍藏自是駐藏二大臣行事儀注始與

達賴班禪平等其四倫布

大頭目也

及一切番目缺均會同選授又頒

金奔巴瓶供大詔寺遇忽必爾罕胡土克圖出世彼此互報不同

者納籤瓶中大臣會同達賴班禪於宗客巴位前掣而定之於是
事權歸一自唐宋以來未有以郡縣治衛藏如今日者矣

中藏

拉撒譯言佛地也倚隄為城堡為中藏都會

舊有城郭康熙六十年定西將軍毀之改

築石隄起朗路山脚至招拉筆洞山止長約三十里外藏地類皆

邊恆河山民內圍駐防衙署及大小詔寺布達拉山高峯插天時

高峯插天時
拉撒四境沃野亞於蜀地

平原東西四五百里南北四五十里

冬無嚴寒夏無酷暑

田盡膏腴人皆秀好隄內寺廟殿閣巍峩街市井井可觀四郊羣

山朝拱百水環流居民夾岸而梁其上為西土豐樂之域

衙署

在堡內大街寵斯岡駐藏大臣所居

舟車所至

西藏紀聞

俗皆敬信喇嘛當地僧也遵奉黃教初藏地佛教本尙紅明代諸法王

皆賜紅綺衣本印度袈裟舊式也其後紅教專持密咒流弊至以

吞刀吐火炫俗盡失宗旨有高行喇嘛宗客巴者生於永樂十五

年觀時數當改卽會眾弟子令各自黃其衣冠演大乘以靜修為宗慈愛為

本質淳意遠淵然如神教二弟子一曰達賴喇嘛云是觀音分體為世活佛

有如俗家大宗一曰班禪額爾德尼云是金剛化身為世活佛有如俗家小宗並

稱死不迷性死必自言其所往生眾弟子又迎而立之達賴分治前藏轄寺廟三千一

百五十餘所喇嘛三十萬二千五百有奇百姓十有二萬一千四

百三十八戶班禪分治後藏轄寺廟三千二十七所喇嘛一萬三

千七百有奇百姓六千七百六十二戶其餘眾弟子學道能轉世

者達賴班禪印之或稱佛十克爾或稱怒必爾罕亦言兩佛也

一方一地在多有西藏三十四縣九漠南蒙古五十七

四共一百六十亦人人頂禮而皆遙領於達賴班禪計闔藏僧

多於民布施多於賦稅番民病故所有之財半供達賴班禪半充各寺諷經追薦所生活佛之

父母人稱為佛公佛母云

大詔寺詔譯言如來也高樓四重殿宇闌干皆銅塗金供釋迦牟尼佛唐公

主鑄自中國請來西藏者內殿神像萬計釭酥為燈左廊塑唐公主與吐蕃弄讚及

其妾白布國即天竺王女像云公主好修善與其妾同參淨業故並

祀焉舊制凡有公事駐藏大臣會諸貝子及達賴議於大詔寺

後來議於公署每歲首眾喇嘛聚大詔內諷經畢共增石隄一

層喇嘛終年惟此

殿門外有唐碑二其一德宗盟碑

即云甥舅聯盟碑也

其一穆宗盟碑旁有唐時柳尚存鬱若虬龍

今惟德宗碑在然已剝蝕不可讀矣

寺壁畫唐高僧師徒四象按高僧傳曰三藏法師元奘陳畱人姓

陳氏貞觀初肇自咸京誓往西國窮覽聖蹟經六載至摩迦陁城

凡十二年備歷聖君龍庭之文驚嶺之秘皆碾機觀奧矣又造迦

葉結集之墟千聖道成之樹虔心頂禮焚香散花設大施會於是

五天億眾十八國王獻瓊投珠咸稱法師為大乘也法師身長八

尺眉目疎朗凡所游歷一百一十國此寺亦三藏會至者

小詔寺宏敞壯麗不異大詔

在大詔北半里

供珠多吉佛其顏額書寂默

能仁亦釋迦像也

兩詔寺皆唐公主所建

札什城在詔北二里駐藏漢兵居焉

乾隆十一年所修

布達拉山

在詔西五里由平地矗起二峯其一為招拉筆洞其一為布達拉釋典言普陀有三一在天竺南海中一在中國

浙江定海一在西藏即此山也

建寺因山勢迤邐叠贅而成樓十有三重高三

十六丈七尺八寸達賴喇嘛居之上有金殿三金塔五僧舍萬餘

間金玉銀銅佛像無數歷代寶器充牣耀日

西殿黃酥油上有手足印是與起黃教宗

客巴遺蹟番民頂禮以大銅釘貯酥油然燈

寺藏古軍器劍長五六

尺鳥鎗長八九尺至一丈與今之九子礮等更有大弓長箭殊為

異觀

招拉筆洞山其巔建寺形如磨盤下瞰藏江為高行喇嘛靜修之

所山後湖水漣漪湖周四里中央壘土建亭高四重瓦以琉璃皮

船可渡是達賴靜修之所

宗角園卡契園經園皆勝地也是達賴過往停驂游憩之所

藏江上跨琉璃橋由詔而上布達拉所必經也江水浩瀚而澄澈

底多綠松石其大者竟如駝象亦異產也

甘丹寺

在東五里

別峯寺

在西二里

色拉寺

在北里

桑蔭寺

在東南里

遠近

環列與大小詔布達拉招拉筆洞共八大寺每寺喇嘛多者五千

餘少亦二三千

歲首達賴聚眾喇嘛於大詔寺諷經一歲中凡過節達賴每至各

大寺或各勝地諷經疊羅瑜數十重為高座升座宣講圍聽膜拜

者千計番民得邀一摩頂一擊拂者如不世之遇所諷藏經以甘

珠爾經丹珠爾經為最尊其次有吉祥天母經大遊戲經龍王水

經喇嘛供獻經長壽佛壇城經尊勝佛母壇城經大怖畏壇城經

釋迦佛壇城經清淨經斗母經沐浴經實匣經時輪王佛經上樂

王佛經十六羅漢經救度佛母經財寶天王經秘密經毘盧佛壇

城經 其作法有曰跳布札有曰放烏卜

與中土僧家佛事不同

藏燈狀如弓鞋傳為唐公主履 炊爨之具狀如幞頭傳為尉遲

敬德冠番人並仿而製之 銅佛愈小愈貴為世所珍

糌粑

稞豆麥磨粉

佛云奉之能除一切苦厄 子母藥大僅如菘豆以

哈達

手帕也

裏之經時小粒漸增有子母相生之異云達賴默持佛

咒以糌粑搓成者也 賽蘭香佛經名伊蘭花朵小如金粟戴髮

髻香聞十步後漢書所謂伊蒲之供也 藏地少竹其識字頭人
番民所用竹籤備極珍惜有攜內地竹器至者輒不惜多方購致
之 迤東澗多魚如鱸如鯿番人守佛戒未嘗取之作膾

後藏

後藏札什倫布在中藏西九百里山川靈奇土宜饒美建仍仲室
翁結巴寺為班禪額爾德尼坐牀之所寺甚雄麗佛像皆七寶莊
嚴聲徹仙梵香生苾芻著龜鷲嶺不是過也後藏敬禮班禪與中
藏奉達賴等修持淨業精守戒律貫穿經典屏除聲聞凡喇嘛學
經成者必於班禪所受戒若付以正法眼藏也或達賴圓寂後再
降生則班禪為之講解上乘法俾參大道達賴之於班禪亦然蓋

互相傳授扶持黃教云

紅教

喇嘛黃教與紅教本同源唐時大西天^{中天}有巴特瑪薩木巴瓦
者到藏傳教即紅教之始後奉薩迦為大喇嘛傳世屢矣明宗客
巴道行高出諸法王上自改為黃教在藏弟子從之者眾而仍依
紅教者亦眾宗客巴初亦學經於薩迦廟故黃教之經典與紅教
不異今之薩迦即元時帝師八斯巴喇嘛之後乾隆五十四年駐
藏大臣舒濂奏薩迦本同黃教情形故在京在藏及諸番奉黃教
者亦敬薩迦奉紅教者亦敬達賴班禪兩教並行不悖也惟黃教
喇嘛無妻室而薩迦獨有妻室然僅朔望相見特為生子襲衣鉢

計其差別以此若紅教中一切邪術乃紅教之未失耳

天竺佛國

天竺五印度其國在阿里南二千里中隔廓爾喀其在雲南騰越州西直徑不過一千七八百里中隔赤髮野人中天竺稱大西天東天竺稱小西天即小西洋小白頭大白頭地查今之東天竺即孟如臘已久為英吉利佔據其地膏沃殷阜專產鴉片不與佛教已奉天主所稱佛國徒延虛名而已

大雪封山

藏地雪嶺非一處山凹冰凌深不可測人畜失足杳無踪跡山巔積累巍巍隨風傾倒勢更可虞寒沍際人飛走皆絕康熙五十九

乍滇兵二百營於... 雪若未甚路已不辨猶勉... 途恆有之矣若雪逾... 通遲之又久待春... 是其在庫車和闐... 本多至拉里數站亦無不如是他不悉記

魏氏原評唐以前藏地佛教未甚故羅什元裝求經西出陽關達摩諸高僧來自南海皆不由藏也其後天竺佛教漸入藏地亦祇以道行受中土封冊而已迨宗客巴改紅教為黃教始以轉生為說歷二世至正德時遂以活佛聞於中國武宗遣使迎

之達賴不願行使者欲威以兵為番人所敗旋世宗立果盡斥番僧咸以達賴之神通為莫測矣然習俗相延殆亦有時數也初活佛自一世以至六世或出後藏或出前藏或出蒙古裡塘皆非一地一族近百餘年來活佛轉世不外兄弟叔姪且多出蒙古汗王貝勒子弟崇奉者未免存私乾隆末適活佛示寂而土舍圖汗之福晉有妊眾即指為轉生及彌月卻生一女遂大損番人之敬信或又從而周旋謂宗客巴曾言六世後活佛不復再來今之登此座者憑垂仲師巫也所為非真觀密諦也則人之敬信本亦可以已矣然葱嶺以東惟回部諸城郭國自為教外其餘如土伯特四部青海二十九旗厄魯特汗王各旗喀爾

喀八十二旗蒙古游牧五十九旗滇蜀邊番十土司皆奉黃教使無世世轉生之活佛以鎮服其心則此數百萬眾必至互相雄長而不可制此堯舜周公孔子所不能馴也

高宗純皇帝威武神聖詔達賴班禪兩汗僧世世永生西土維持教化藏地安而西北之邊徼皆安記曰修其教不易其俗

大聖人神道設教 睿算如山海高深曼殊師利之尊稱活佛表稱曼殊

師利大皇帝曼殊佛花也豈偶然哉

物產 杭稻詔中畜水為汗多種稻其耕耨亦如中土但牛具微小有五頭作一具者青稞 蠶豆

小麥 豌豆 菜子 菜豆 黃豆 四季豆 蘆荻 白菜

苜蓿 葱 蒜 菠菜 蒿苳 蘿蔔 藏核桃 藏杏 圓

根 藏棗 藏香 有紫黃兩種真者焚時煙凌 黑白香 白香亦

香黑香亦 藏繭 藏紬 縞 織 裁絨 細珠 即繳璫天竺貴

鹽 後藏之札野客登察噶產鹽多係 毳子 花紬 花布 藏

紅花 青金石 松蕊石 瑪瑙 琥珀 蜜蠟 珊瑚 碑

礪沙 阿魏 黃連 胡連 茜草 紫草茸 石青

桔皮 詞梨切 木梳 其種有二一名札木札牙木色微黃堅

黃花紋畧大亦能 馬 驢 犏牛 犛牛 黃牛 牦牛

羚羊 青羊 羆 獾 獐 獐 獐 獐 獐 獐 獐 獐 獐 獐 獐 獐 獐

鷹 雉 兔 狐 天 鱗 魚 丹 虞美人 剪碎

鐵 蜀葵 金蓋 木 藥 山丹 種 白 養 鬚 膏

藏菊花 有紅黃二種 松 栢 白楊 采禽

山川 布達拉山 在詔西高 招拉筆洞山 形如牛魔山

朗路山 在詔東 東噶爾山 在布達拉山 西高四百

後平峻 甘丹山 在詔東 宋噶拉山 在藏南 聯絡重

參半 角子拉山 在藏東 喇嘛振鐸呼之則山禽獐鹿畢集

拉山 在藏東 然如喇嘛振鐸呼之則山禽獐鹿畢集

山 在藏東 甘不拉山 在藏西 崎難行 鍋噶拉山 在藏

高積雪 雨墨拉山 在藏西 喇根拉山 在藏 克里野拉山 在藏

多瘴 長淤沙積雪 在藏西 喇根拉山 在藏 沙羽克岡拉山 在藏

北入草地至北 在藏西 沙難踰 沙底斯山 在阿里西北

藏東通拉大山 在藏西 沙難踰 沙底斯山 在阿里西北

四面峯巒陡絕 在藏西 沙難踰 沙底斯山 在阿里西北

麓即伏實諸山之祖 在藏西 沙難踰 沙底斯山 在阿里西北

西 藏 紀 聞

丹 斤 巨

山形馬郎干喀巴珀山山形生格喀巴珀山山形馬珀家喀巴
 似山馬郎干喀巴珀山山形生格喀巴珀山山形馬珀家喀巴
 珀山綿山形似孔雀均與岡底斯山相連藏江有鹿馬嶺入烏蘇江
 流白楮河一出剛喇山巢會流白楮河一出鹿馬嶺入烏蘇江
 會流白楮河三江水聚為滙過大則得慶至西藏有木船皮
 船以彭多河去詔三日有鐵哈拉烏素河去詔北八日阿克打
 渡以彭多河去詔三日有鐵哈拉烏素河去詔北八日阿克打
 木河去詔北二春良諾爾河即去藏北九日春結河在詔南藏
 巴河在詔南前後藏諸業黨河鐵索橋有雅魯藏布江在藏西
 母朱喀岡布藏布河在藏岡噶江源出岡年楚河後藏東源出
 山怒江在藏南險陸海自札什倫布至阿里阿耨達池在岡底
 騰格里池在藏西北藏地湖澤泉皆水故名阿耨達池在岡底
 古蹟附祿康插木中建八角琉璃涼亭卡契園在布達拉西五

多植名花係達賴疏日岡在布達拉西七里乃達賴琉璃橋在
 喇嘛避暑之所寵斯岡在藏堡內大街昔為達賴喇嘛所琉璃橋在
 堡外上布達寵斯岡在藏堡內大街昔為達賴喇嘛所琉璃橋在
 拉山大道亦係宗角拉去布達
 里林木陰翳亦係宗角拉去布達
 達賴喇嘛避暑處宗角拉去布達
 寺廟布達拉寺去詔五里平地突起雙峯一為招拉筆洞寺在布達拉建金頂
 二係有行喇嘛靜修處中勝境也招拉筆洞寺在布達拉建金頂
 巒蔚秀梵宇清幽蓋西方勝境也招拉筆洞寺在布達拉建金頂
 皆業大詔寺在拉撒內周圍起樓閣殿宇瓦蓋飾以黃金中塑
 岐黃成佛左廊又有覺迦摩尼吐蕃贊普並白布國主來藏年甫十
 二歲成佛左廊又有覺迦摩尼吐蕃贊普並白布國主來藏年甫十
 丙喇佛殿計中供萬歲御座及香花玉蓋四季長輝東南隅有
 百喇佛殿計中供萬歲御座及香花玉蓋四季長輝東南隅有
 經像并尉遲敬德鎮邊軍器門外殘碣繪唐元裝師弟四人求
 盟碑也碑側古柳二株老榦蟠小詔寺在大詔北半里亦唐時
 屈若龍虬然古植自唐時也小詔寺在大詔北半里亦唐時
 中塑佛曰珠多吉云是覺釋迦摩尼之甘丹寺在拉撒東五十
 弟甫入齡成佛或云即唐公主肉身也甘丹寺在拉撒東五十
 寺廟布達拉寺去詔五里平地突起雙峯一為招拉筆洞寺在布達拉建金頂

傳為宗客巴成佛處或云即然燈古佛內經樓佛像幢幡
 寶蓋壯麗與大小詔寺畧同有闡講黃教堪布喇嘛居之別峰
 寺在拉撒西二十里前臨大道後依山巖層樓環繞內有園亭
 居此下山里許有垂仲殿每年一至講經凡各番學習藏經者多
 喇嘛亦無妻室與他寺異此色拉寺在拉撒北十里依山勢建
 西天飛來其寺堪經寺中置一降魔杵云自朝觀桑焉寺在拉撒東
 寺相近其樓閣經堂佛像亞大小必歲一供關帝像云唐以前
 其地多怪帝君降聖祛之因建寺奉祀達賴喇嘛亦歲至說倡
 木轆寺在小詔寺東經堂佛像俱齊為西番菊岡寺毗
 經園為蒙古僧噶嗎霞寺即垂仲殿在大詔寺東半里神像
 人學經之所噶嗎霞寺即垂仲殿在大詔寺東半里神像
 妻有子世傳其術即中土巫類每月護法垂仲係喇嘛裝束仍娶
 上插雞羽背插小旗五周身以白哈達結束穿虎皮靴手執弓
 刀登法壇與人判吉凶輒應出則人從裝飾鬼怪執
 旂鳴鼓導引各大寺皆有垂仲亦間有婦女為之者楚布寺
 葉郎寺去拉撒北七十里各有多機札古寺附近桑焉寺在渣
 掌教胡土克圖主之

二千餘丈梯水
 其穴須然火而人後有石穴內白七可餐味如
 潭而不達隆寺在拉撒北亦宏麗角子拉寺
 敢近焉仍仲益翁結巴寺大亦宏麗角子拉寺
 拉撒仍仲益翁結巴寺大亦宏麗角子拉寺
 東元帝師八思巴後為紅帽之宗其大喇嘛
 寐娶妻育子有後則不進室始登法座十五年朱爾墨特
 忠廟在拉撒木札爾謀逆兩公計誅之倉猝間為其黨所害
 在拉撒噶爾勒廟在拉撒西北與沙薩木他廟在拉撒
 在札什倫布東北淋噶爾廟阿克巴札桑廟推薩木諾爾布淋廟
 布東北淋噶爾廟阿克巴札桑廟推薩木諾爾布淋廟
 挾爾仔廟濟康廟以上五廟俱多吉爾拔姆宮在羊卓白地
 極宏麗有瀛洲蓬島之勝寺中乃女胡土克圖多爾吉拔姆所
 居云是北斗之精化生昔碟巴三節亂藏時化豬遁去藏地呼
 故名

中藏後藏昌都三處有名之寺三千有餘支糧喇嘛八萬四千有餘其大喇嘛曰胡土克圖祿養皆取給於所屬地方大胡土克圖下設倉儲巴一人以司地方事凡寺廟設堪布喇嘛一名約束僧眾有一品至八九品不等總以寺之大小僧之多寡定其品級大凡住持寺廟之喇嘛多有卽其寺名稱之者

糧臺 西藏委丞倅一員爲糧務又 欽派駐藏二大臣員外郎主事各一員筆帖式一員駐其地又分駐前後藏綠營官兵共六百二十一員名內游擊都司守備千把總各一員外委馬步兵六百十三員名三年一換

按藏例官兵口糧每分月支全折銀四兩約計歲支臺費銀四

萬餘兩 爐裡巴察拉五臺糧員月支費銀六十兩西藏七十兩各準帶僕從十三名通事譯字三名

打箭爐

打箭爐相傳漢武侯南征遣將郭達安爐造箭之地距四川省千里爲中國之極西西藏之極東天時多寒少暑層巒峻嶺峭壁懸崖中隔瀘河勢最險要昔爲南詔地向隸青海部落明永樂五年土目阿旺堅參以隨征明玉珍功授爲明正長河西魚通宣遠軍民宣慰司世職然當時第羈縻勿絕而已至

國朝聲教洋溢向化益誠於康熙三十九年被藏差營官昌側集烈等戕害竊據四川提督唐希順統兵進勦誅昌側集烈等直抵

打箭爐而安撫焉番民率眾歡呼跪迎歸附已故土司錫拉扎克
巴乏嗣其妻哀噶通志作工喀承襲至堅參德昌始移駐打箭爐其子
甲勒參德浸繼之現今之明正土司也管轄打箭爐十三鍋莊番
民約束新附土司及土千百戶計新舊土民二萬八千八百八十
四戶上納貢馬雜糧歲折銀歸明正土司征解之打箭爐以石為
城漢番雜處凡駐藏使臣及換藏兵丁均於此出口自爐以往多
重茶悉由內地負販而爐又為市茶總匯現設郡丞一員以理夷
情兼司糧務向有監督權稅課今汰之並歸郡丞承辦其志
言浮屠規規小然結以信誠効順之心歸列不其志

亦天正口

其志

青翠 耗 長 山 羊 酥 油 松 圓 盤 也 白 菜

爐東北七百餘丈時有青羊縹山而行 阿拉穆公山 爐西高

相傳武侯南征遣郭達造箭於此故名 阿拉穆公山 爐西高

折多山 爐南進大蓋雪山 北瀘河 源出折多山西南 魚通河

流與瀘雅納溝河 源出大蓋雪山西北 溫泉 爐東南水性溫煖

河合 雅納溝河 南流八十里至瀘 溫泉 浴之能除積疾

寺廟 關帝廟 武侯祠 漢人寺 均 郭達廟 惠遠廟 在

城西北雍正 報國寺 在爐西又高日寺 在東俄落

七年 敕建 名喇嘛寺 南三十里 自打箭爐至藏糧臺有六惟打箭爐為出口首臺以郡丞

司糧務駐防及護糧外委馬步兵四十六員名三年一換

按此臺過往官兵人員約計歲支臺費銀五百餘兩口糧米一百餘石炒麪一百餘石

裡塘

裡塘在打箭爐西六百餘里天寒多雨雪昔亦青海部落層巒疊嶂道路紆迴爲西藏要地有土城設糧務一員俗信喇嘛有掌管黃教之大喇嘛曰堪布爲一方崇祀之尊立僧俗營官各一董率事宜康熙四十七年達賴喇嘛降生擦嗎中自遷住西宜塔兒寺後時西藏地方已被準噶爾澤旺阿喇布坦遣車零敦多布佔踞康熙五十七年護軍統領溫普及滿漢官兵由打箭爐出口渡雅龍江直抵裡塘宣諭

聖朝德威裡塘人心綏定預貯倉庫錢糧待 大兵西進次年定西將軍噶爾弼駐兵於爐前鋒都統先帶兵進藏道經裡塘比時青海差達哇朗章巴等陰謀把持裡塘營官遂有叛意官兵計誘達哇朗章巴及營官三名至營誅之並革去堪布喇嘛該地番人咸凜軍威各舉素所誠服者議立堪布一名復設營官以分治其事雍正七年頒給僧俗營官印信俗營官安本授爲宣撫司僧營官康卻江錯授爲副土司乾隆十年以明正土司屬土守備汪結隨剿贍對有功奏補正土司又因剿金酋時土舍汪爾結首先納款充補額外副土司凡正副土司均照流官例不世襲輸誠納貢供給徭役現今裡塘正土司業巴札什宣撫土司阿卻錯氏副土

司阿鄂策成業巴彭錯供其職而附近裡塘崇喜毛了毛茂了曲登四土官亦當時迎師嚮化之酋長今之四瓦述是矣

物產 藏金板 麩金 葡萄根木碗 鳳眼菩提子 貝母

冬蟲夏草 出撥浪工山本草不載性溫暖補精益髓 牦牛 山羊 牛毬 酥油

青稞 大麥 圓根

山川 達俄岡山 赤喇岡山 出喇山 蟒拉山 大松山

甲噶山 紫木刺山 均均在裡塘東 漳喇山 在裡塘東南 阿喇栢桑山 在裡塘西

南喇枯山 與栢桑山相連 色勒隆宗山 與喇枯山相連 勒東額山 與隆宗山相連 雲龍

一喇山 鑽龍山 火燒山 均均在 九石窪山 在大 俄洛山 在西 疊

額山 在額 沙石山 在沙石 俄洛山 在西 疊

松喇嘛山 在喇 二郎雪山 在二郎灣 三壩山 在立登 打山 在毛射鹿

山 在立渠 毛了山 在曲 窮藏山 瞻對 雅龍江 在裡塘東源出青

耳咱地會金沙江過 裡楮河 在裡塘流 色隆達河 在裡塘西南

馬湖至敘州合川江 源出立登三壩經流 交界河 在鄉城 立渠河

通巴塘 喇梯楮河 二源入金沙江 流 交界河 在鄉城 立渠河

在大河 源射鹿山 溫泉塘 在裡塘發 源射鹿山 溫泉塘

寺廟 關帝廟 在裡塘 長青春科兒寺 在裡塘大喇 貯經堂 金

剛寺 均在 工沙寺 在車 空沙寺 在上 納吐寺 蘇糖寺 均在桑

登寺 在喇 乃吉築巴寺 在車 登沙寺 在下 工噶里寺 在工 陽頂

寺 幫補寺 均在 三配林寺 在鄉 立禪寺 在喇 申角寺 在申

糧臺 裡塘委牧令為糧員駐防及護糧官兵二十四員名內守

備把總外委各一員馬步兵九十名三年一換又土馬步兵三百名每名月支折色口糧銀一兩五錢

按此臺約計歲支臺費銀五千餘兩口糧米一百餘石炒麩二百餘石

巴塘

巴塘在裡塘南五百餘里土地饒美天氣暄妍時令則儼然內地也無城郭設糧務一員山則峻標甲噶水則流合金沙昔為西藏拉藏汗所屬有大喇嘛寺其掌管黃教之堪布由達賴喇嘛委放其管地方之碟巴由拉藏汗委放年滿更換歷代相傳至康熙五十七年護軍統領溫普帶兵由裡塘入巴塘至大所通志作大朔即有

碟巴暨僧俗百姓赴營投見願附版圖及西征之役番民輸誠効力釐運糧儲無少懈雍正四年川滇兩省提督俱由西藏旋師會勘川滇疆界次年復遣官指授達賴喇嘛地即於藏屬之南墩宜靜山即莽嶺立碑定界又於喜松工山於達拉兩界山巔亦立界山以內均屬巴塘山以外盡屬達賴喇嘛查造戶口分輸糧賦七年授土官查什盆錯通志作札什朋楚宣撫司授大頭人阿旺林青副土司均照流官例不世襲今之正土司彭錯春丕勒副土司成彩春平等皆於頭人中遴選補授者也

- 物產 白葡萄 葡萄根木椀 石榴 天鼠似貓皮可為裘 水銀 犛
- 牛 青稞 豆 麥 黃蠟 蜂蜜 酥油 白菜 圓根

韭 桃 李 西瓜 牡丹 芍藥

山川 甲噶喇山 在巴塘東 龍新山 在巴塘東 卜意喇山 在巴塘南

子喇山 在巴塘西南 寧靜山 在巴塘西南 喜松工山 在巴塘西 巴冲

楮河 在巴塘民堡之 色楮河 即金沙江 涿河 在江

寺廟 大寺 環土垣百餘丈掌教堪布居之餘 喇嘛寺 無口糧寺

座有口糧寺院五 漢人寺 詳程

糧臺 巴塘糧務委員如前 以上三臺俱由內地土官考核 駐防及護糧官兵三

百二員名內都司守備把總外委各一員馬步兵二百九十八

名三年一換又土馬兵六十名每名日支口糧麩一升折銀一

分茶葉八錢折銀五釐每十名月支羊一隻折銀五錢

在巴塘... 西藏闡教正副胡土克圖掌管

白鹿... 克而西藏之後即以此地屬達賴喇嘛該處向

設... 移置拉里大抵由爐城自莽嶺以西去成

都益遠... 朝版籍日久攘來熙往實繁有徒則蠻鄉蹊徑

雖煩... 之敬而得之諮諏中者殊無異身親其境矣

物產 松葉石 梨乾 葡萄 核桃 犏牛 綿羊 青稞

山川 指達拉山 在乍了東 昂喇山 在乍了西北危峻 作喇山 在

頗平坦 西藏紀聞

了西北高 勒楮河 在大寺前源 樂楮河 源發作 甲倉楮河 合樂楮河

陡險峻 到午 色楮河 源出上納奪流

寺廟 乍了大寺 環土城百餘丈喇嘛人等俱居寺內其轉經閣在大寺前男女婚姻俱於此歌唱兩情歡洽男以糝粃結女之髮聞其婚遂定

察木多 古名康 距巴塘千餘里中隔乍了路出西北天時無異裡塘

都即昌

三山環偈二水合流為西藏門戶界通川滇北河有四川橋南河有雲南橋滇省會設鎮於此今并歸川省設臺站置糧務一員有土城本屬闡教胡土克圖自康熙五十八年 大兵進勦西藏始納款焉頒給正胡土克圖印信住坐察木多大寺其副胡土克圖

住坐邊垣之西喇嘛寺又有倉儲巴 通志作昌諸巴 五家分管大小寺院

現今之大胡土克圖怕克巴拉二胡土克圖昔瓦納正倉儲巴丹中測望副倉儲巴多景囊結其俗崇信浮屠生子半為喇嘛喜啖生物不尚滋味凡習俗與裡塘巴塘少異有由草地進藏之類伍齊亦築土為城周二百餘丈內建大寺峻宇崇簷巍煥奪目有紅帽子胡土克圖協理黃教原隸西藏部落番民多居黑帳房自康熙五十八年與其地西南之洛隆宗俱投誠歸化洛隆宗之西又有碩般多亦屬西藏部落有碟巴二名掌理黃教後準噶爾佔據西藏亦遣陀陀宰桑凌轢其地僧俗人俱不勝其虐康熙五十八年定西將軍噶爾弼統兵進藏該處碟巴人眾迎師歸誠而陀陀

宰桑遂潛回西藏比總統遣弁改飾異服即令碩般多磔巴嚮道至索馬郎擒獲之於是干戈益謐屬民咸恭承糧役無懈以上三地方均奉特旨賞給達賴喇嘛而達隆宗則在碩般多之南亦藏所轄與洛隆宗同時納款因其四至遼濶差役繁劇又委熱傲者三分治之其棲止有官寨樓房窮荒僻壤蓋別有風氣云

亦多雖同屬藏地而其風俗有獨異於藏者女出嫁不歸室即歸室亦在門外飲以茶酒母至女家亦然大概婦女忌入人家不祥之廟宇尤嚴忌之若喇嘛犯姦將兩造剝皮植草投水示儆許余聞藏地風俗婚嫁多苟合男女無嫌忌若喇嘛主人家飲食男女惟所欲豈昌都獨嚴其律乎姑錄

物產 秔稻 生薑 黃連 麝香 熊膽 波裡凹 牛毡

牦牛 山羊 青稞 大麥 圓根 豌豆 核桃 松藥在

山川 達蓋喇山在察木多東山甚危峻 沖得喇山亦在東高峻沖霄 列木喇嶺亦在東

東 奪布喇山 鼎各喇山均在察木多東南 魚別喇山在察木多西南 裏角大

山亦在西南冬春積雪 巴貢山 蒙堡山 擦瓦山 雲山 雪山 白

奪山 納奪山 黃雲山 隱山 喇貢山 昂楮河在察木多左源

寺廟 戎空寺一名江巴林寺殿宇壯麗亦三藏所建講 普安堂漢人所建

經堂 龍王廟均在察木多 大寺在戎空寺左寺內供 漢人寺木多

至拉子多有漢觀音閣在巴善化寺 科兒寺 林光寺均在

人寺非止一處

萬壽寺 雲頂寺 大牟寺 定海寺均在俄洛 長鳴寺 永定寺

白衣菴均在裏角 金剛寺 空沙寺 吉祥菴 大佛寺 雲臨寺均在喇貢

糧臺 察木多糧務委員如前駐防及護糧官兵三百三十三員

名內游擊千總各一員把總二員外委馬步兵三百二十九員

名三年一換又土馬兵十名每名日支口糧麩一升折銀九釐

每十名月賞羊一隻折銀五錢

按察木多以外凡口糧米炒麩均折銀支給此臺約計歲支臺

費銀一萬餘兩

類伍齊

類伍齊在察木多西南一百九十五里餘詳察木多內
物產 鐵 馬 鹿 雞 牦牛 綿羊 酥油 牛毯
山川 瓦合大山在類伍齊西南山 擦噶喇山山頗平坦 葉達喇山頗勢

平紫楮河在類伍齊東北 紫楮河即昂楮河下流

洛龍宗

洛龍宗在類伍齊西一百六十里餘詳察木多內

物產 犛牛 山羊 青稞 金星石

山川 得貢喇山在洛隆宗東 得噶喇山在洛隆宗西 偶楮河在洛隆宗西源

出噶爾藏骨岔海 峽隆喜楮河在洛隆宗南源出噶

子流合瀾滄江 碩般多

碩般多在洛隆宗西一百六十里餘詳察木多內

物產 青稞 菽 牛 羊 酥油

山川 章喇山 在碩般多東 吾抵喇山 在碩般多西 巴喇山 在碩般多

西南勢 胡馬喇山 在碩般多西 郎錯河 源發噶喇

平坦 格胃楮河 源發吾抵山 柱馬郎錯河 源發噶喇

寺廟 大寺 在碩般多建寺二座築土梵石為城枕山

達隆宗

達隆宗在碩般多西餘詳察木多內

物產 麩金 銀礦 梨乾 核桃 馬 騾 牦牛 青稞

酥油

山川 必達喇山 在達隆宗西 沙貢喇山 在達隆宗西 魯貢喇山 與

貢喇山 撒楮河 在達隆宗北源 邊楮河 在達隆宗東南 俄楮河

相聯 源發沙貢喇山 葉楮河 源發魯貢喇山

拉里

拉里在達隆宗西北距察木多千餘里天氣寒冷山勢陡險原隸西藏無城設糧務一員所屬寺院歷委大喇嘛主掌兼磔巴事自準噶爾車零敦多布侵佔西藏其地黑喇嘛附逆偽稱河州喇嘛迎師嚮導陰遣番人截奪軍糧後定西將軍得其情計擒之改委喇嘛經理其地現今堪布臨喜江錯大業爾巴卻結札什自是永屬西藏無或僭忒又有工布江達在拉里西南工布則僻處一隅

丹直斤至

西藏紀聞

壹

而江達則西藏孔道天時和暖產稻米有水田絕域中之沃壤也
先時準噶爾侵佔西藏工布人眾望禦之敵不能入後以 大兵
進藏迎師就撫自今仍隸西藏焉

物產 犏牛 綿羊 按拉里不產五穀以牲畜資
生牛羊為食故所產止此

山川 拉里大山 在大寺西山勢如龍上
下極險峻四時積雪 瓦子山 番人呼為卓喇
山峻險漫衍多

積雪 同安楮河 在拉里東源發魯貢
喇山流合得楮河 得楮河 在拉里東北流
合同安楮河 松茄

楮河 在拉里東流
會得楮河 熱水塘 在拉里東四時常溫
番人呼為擦楮卡

寺廟 丹達廟 相傳雲南某參軍解餉過此墮雪窖中迨春夏雪
消猶僵立靴上土人驚異聞泰其屍而崇祀焉見

沈敬菴太守
從征紀事 大寺 在拉里大山腰由山右盤旋而上管
理地方之大喇嘛及僧眾俱住寺內

糧臺 拉里糧務委員如前駐防及護糧官兵一百二十八員名

內把總一員外委馬步兵一百二十七員名三年一換又土馬
兵二十名每名日支口糧麩一升折銀一分八釐每十名月賞
羊一隻折如前

按此臺約計歲支臺費銀八千餘兩

工布江達

工布江達在拉里西三百六十里

物產 秔稻 青稞 白菜 笋 竹片弓 毛氊 青金石

大面璣瓊 大面羊絨 大面偏單 竹箭桿 驢 大頭狗

山川 鹿馬嶺 在江達西綿長平坦風烈異
常兼多積雪為西藏要隘 江達楮卡河 自鹿馬
嶺發源

流至工布
會於藏河 烏蘇江 西藏東北有
皮船為渡

守軍斤毫

西藏紀聞

西藏番民制度

歲時正月亦建寅以孟春為歲首元旦為一歲始然節令多與內地不同如十二月大建則以元日為年節小建則以初二日為年節不識天干惟以地支屬相鼠牛虎兔龍蛇之類紀年亦以十二月為一歲亦有閏月但不同時耳如雍正十年閏五月其地則閏三月十三年閏四月其地先於上年閏七月見舊藏志更有閏日之異如閏初一則無初二即接初三或於月內摘去一二日如二十五六日即接二十八九日矣每月無小建有朔望晦日紀日以金木水火土五行配與時憲書不異其推日月交蝕亦纖毫不爽其推算占驗云皆唐公主所流傳

氣候藏地數千里大約平壤則熱居高即寒有十里不同天之語就拉撒詔論其四時氣候溫和常如中土二八月但晴雨靡常風霾無定耳清明立夏閒草木萌芽夏豆禾播種收穫亦在七八月秋有薄霜冬雪不厚積雷電無異冰雹聞見若山獵水圍恆見冰雹頓作若云番人誦咒可止則妄

風俗每遇年節商民停市三日各以茶酒菓物相餽為禮其日達賴喇嘛設宴於布達拉山寺延漢番官會飲有跳鉞斧之戲選幼童十餘人著綵衣戴白布圈帽足繫小鈴手執斧鉞前列設鼓十餘面司鼓者亦裝束如前於觥籌交錯時相向而舞聽鼓聲之淵淵而綴兆疾徐咸中節揆其義蓋古之萬舞與越日觀

飛神乃後藏番民供此役以皮索數十丈繫於布達拉山寺上
下人攀緣捷如猿猴以木板護胷手足四舒而下如矢離弦如
燕掠水亦異觀也 過此擇日大詔內聚集各山寺喇嘛擁達
賴下山謁佛登臺講大乘經謂之放朝番民越數千里來者踵
相接以金珠寶物陳列炫麗舉於首而跪獻之達賴若受卽以
塵尾拂其首或摩其頂者三出必誇耀於人以為活佛降福也
上元日懸燈大詔萬盞綴以五色油麩為人物龍蛇鳥獸窮
極精巧自夜達旦視天之陰晴及燈之明晦占一歲豐歉 十
八日揚兵集唐古忒藏人稱馬步三千戎裝執械繞詔三匝至琉
璃橋南施巨礮以驅鬼魅礮大小不一其最大者鑄自唐時刊

威剿除叛逆五字演畢商上出金銀綉緞布茶勞之并布施僧
眾為誦經之資歲凡支銀三百六十餘兩 越數日噶布倫戴
綳及喇嘛各出幼童選快馬馳騁白色拉山寺東麓至布達拉
約三十里疾驅角勝先至者受上賞復以幼童裸體跣足自布
達拉西至拉撒東約十餘里一時爭道而趨亦以先後至較勝
負如力不勝親友旁觀以冷水灌頂為之助此每歲奪標之戲
也 二十七日迎巴拉寺之飛來杵至拉撒詔 三十日諷經
畢送老工夾布卽通志所謂打牛魔王也以喇嘛一人偽作達
賴又賄致一番民面塗黑白作魔王直前詆其五蘊未空諸漏
未淨達賴亦以理折彼此矜尙法力因各出骰一枚如核桃大

達賴三擲皆盧魔王三擲皆臬蓋六面一色也魔王作驚懼而逸於是僧俗人眾執弓矢鎗礮逐之預於對河牛魔山列帳房待魔王竄入擊巨礮迫以遠颺而止又預於其避居處儲數月食用待盡乃歸 二月初二日達賴上山至春暮將大詔寺中寶器珍玩陳設謂之亮寶翌日布達拉懸大佛像其像五色錦緞堆成自第五層樓垂至山麓約長三十丈又有喇嘛裝束鬼神及諸番人物虎豹犀象等獸繞詔三匝至大佛前拜舞歌唱竟月乃散 四月十五日寺門洞開亦然燈其燈以圓根盛酥油然之任番眾游玩 六月三十日別峰色拉兩寺亦懸大佛像有垂仲降神番民男婦皆華服豔粧歌唱或翻桿及相撲諸戲無不咸備

亦二寺之大會也 七月十五日任磔巴一人以司農事其地之頭目從之游佩弓挾矢旗幡前導徧歷郊圻觀田禾射飲以慶豐年然後刈穫亦所以重農事也 七八月間臨河各設涼棚帳房男女同浴於河同上已祓禊之意 十月十五日唐公主誕辰番民盛服至大詔頂禮 二十五日相傳宗客巴成聖日或云即然燈佛舉國皆於牆壁間然燈燦若列星亦於燈卜歲除夕木鹿寺跳神逐鬼有方相司儼遺意男女盛飾羣聚歌飲以度歲節

官爵自唐高宗時始封其贊普為駙馬都尉西海郡王歷代相沿俱受中國制命 本朝康熙五十九年平藏後封康濟爾為貝

勒阿爾布巴為貝子隆布爾為公頗羅爾札爾爾為噶隆後頗羅爾以擒逆功封至郡王領藏事後卒其子襲乾隆十五年謀逆伏誅遂除其王爵奉旨凡藏地均屬達賴喇嘛其輔國公三人一等台吉一人噶布倫四人達賴喇嘛之輔各頒給敕諭戴綳五藏地領人兵鎮將碟巴三人司地方職事者堪布一人約束眾喇嘛如內地叢林監寺均給理藩院執照分司藏務受駐藏大臣及達賴喇嘛管轄各地頭人亦憑選擇取才品及家道殷實者設噶布倫四人分轄藏地設高爵一名察核地方諸務倉儲巴數名專司錢糧浪子沙數名分理刑名並供給差役中科爾數名在大詔司文書票簽戳記諸事紀綱數名主持計算中科紀綱半皆世職凡放大出使頭小碟巴皆於此等人中選用

人稱谷操傳事頭人稱若尼爾管理家事頭人稱業爾巴聽役頭人稱乃興巴其地各大頭人稱碟巴次稱熱熬稱十布凡統領兵馬之官有五總統之大頭人稱戴綳其次稱甲綳管兵二百名又次稱如綳管兵一百名賴綳管兵四十五名局綳管兵十名又有小頭人稱郭度以上所委之碟巴頭人即徵收所轄其地之錢糧以自贍

朝貢順治五年闡化王遣使入貢繳明季所給誥敕銀印奉旨換給禮部題定貢期三年一次道由陝西每次限以百人準十五年進京餘留邊著為定例七年闡化王又遣使入貢繳明季所給誥敕銀印十年十三年又連遣使入貢繳明季敕書玉印所貢鍍金銅佛畫佛銅塔舍利子各色氍毹棉阿魏黑珊瑚犀角黃左髻帽各色花氍毹香白海驃黑白纓子十七年如來大寶法王遣使齎漢番字印

表並進方物

釋迦佛舍利子番像銅佛金輪珊瑚犀角珍珠寶石數珠琥珀珠慈獸皮虎皮豹皮狍皮狍皮狍祖

紅各色毡毯各色毡毯青白纓花褐花毡毯

又灌頂國師及灌頂圓通妙濟國師並遣

使齋番字印表進番物

灌頂進銅佛金輪犀角珊瑚珍珠花布花線毯各色毡毯花褐圓通進番像銅

佛金輪珍珠珊瑚花布狍狍皮

道由雲南自康熙五十九年定藏後達賴喇

嘛頗羅鼐為一班班禪喇嘛為一班各間年一遣使入貢繕唐

古忒字表又并進方物乾隆十五年朱爾墨特那木札爾謀逆

伏誅後十六年奏準仍照舊達賴喇嘛班禪額爾德尼閒年一

進貢額爾澤卜尊巴胡土克圖遇有國家慶典則貢方物有

佛像金經銀塔五色帖八吉祥之屬各具奏書遣使以聞達賴

班禪於慶祝之外別具壽帕數珠藏香毡毯使還均降 敕慰

問賜金幣有差

兵制西藏額設馬步兵共六萬四千餘名計拉撒馬兵三千名後

藏馬兵二千名阿里馬兵五千名稞壩馬兵一千名黨子拉雜

浪木錯等處地方黑帳房蒙古共馬兵三千名阿里並前後藏

各處馬兵五萬名凡派兵之法於各村抽派或十名五名人馬

不徧出遇有兵革著盔甲其甲有柳葉連環鎖子不等馬兵盔

上插紅纓及孔雀尾腰懸刀背負烏鎗執長矛步兵盔上插雄

雉尾懸腰刀外插順刀攜弓矢執藤牌或木牌亦有執長矛者

其木牌寬約尺五六寸長三尺一二寸繪虎形以五色羽毛裝

飾外遮以鐵皮箭以竹為之鵬翎鐵鏃鏃如錐長三四寸其弓

木胎角面小而勁亦有以竹爲之者兩竹片合紮之亦勁旂幟或紬緞或布分紅黑白黃藍五色旂頂旄纓各按旂色若對壘然每於正二三月亦觀兵審其鎗箭跑馬跌撲諸技演畢以哈達銀錢酒食犒之至四月則派駐各隘口旣資邊防亦兼牧馬也

刑法西藏相沿番例三本計四十一條所載刑法甚酷大詔旁有黑房數間拘攣罪人犯法者不論罪之輕重皆禁於內用繩縛四肢以待援法如爭鬪死者將屍棄水殺人者罰銀錢入公並給屍親念經或牛羊若干無銀則縛水中籍沒其家其搶奪劫殺者不分首從皆擬死或縛於柱上施以鎗箭較射飲酒死則

砍頭懸示或送狍獐野人食之或活縛送曲水蝎子洞螫死之若攫人財物則將其家監禁倍數追比追完則將盜者抉目剔鼻或去其手足凡犯重罪先以繩縛之撻以皮鞭復浸於水踰時再撻如是者三然後詢其辭如諱則以沸油澆其胷利刃裂其肉儻再固諱則縛坐水中分其髮以繩左右牽之用白布蒙面澆以水或於指甲內以利油簽刺之若無辭可質然後釋其受酷刑死者棄屍水中至尋常爭鬪求理則罰銀犯而不告各重罰無銀則以長棍責釋若犯姦止罰銀錢量其貧富亦或責釋但犯法無男女皆於市中褫衣責之近亦有枷號者其刑法慘酷殆未之聞

賦役西藏賦稅隨其出產或牛羊紫草青稞糶糶等物或馬牛酥
油牲畜金銀銅鐵諸物皆隨所產上納設有公所名商上凡所
納賦稅及問罰罪人銀錢存備公用並喇嘛念經之費至於土
民之服役者名烏拉凡有業之人勿論男女皆與其選卽由他
處遠來者但能置煙竈租房而居者亦然多寡各量其貧富其
頭目碟巴皆派用烏拉照所居屋之大小量定應需數或三四
名或十數名照數輪派烏拉應役無人則雇窮民代之或每日
每名納銀五分年過六十者免之遇要差則派牛馬騾驢富者
應出若干貧者三四人公攤一匹藏地產馬少悉由霍爾一帶
及青海等處來者價頗昂卽中產一匹亦須銀十七八兩至二

十兩不等

徵調西藏其先文書俱鈐紅色小圖記番人用唐古忒字蒙古用
蒙古字自噶布倫以下皆用黑色圖記雍正九年 特頒給印
信始知用印如徵調兵馬近則頭目戴綳僱集遠則文信傳調
一遇緊急軍情則用傳旂以箭一枝縛白哈達一個寫由飛遞
傳催依限而到無敢悞凡遇大小事務每日噶布倫碟巴中科
爾戴綳等齊集大詔內白菓廊公議稟知駐藏大臣及達賴喇
嘛而行

衣冠西藏達賴喇嘛班禪額爾德尼冬帽以氈氍羊絨製成其式
上尖下大色尙黃夏帽若笠純金以皮爲之內衣氈氍半臂外

衣紫羊絨偏单以帛交縛於上著錦鞞或皮履腰束帛如帶春
 冬皆露半臂其餘喇嘛服飾亦相似所屬噶布倫戴綳碟巴等
 髮不束不綰披肩後戴平頂栽絨段狐皮各帽綴短纓或覆獺
 皮於頂手持念珠束皮鞋帶遇令節或公事噶布倫分其髮於
 頂左右綰一髮著蟒緞或氍毹細緞褚巴碟巴小將髮綰成一
 髻戴無翅白紗帽唐進士遺制左耳垂金鑲綠松右墜大如桃其
 形似鳥喙名瑤右耳垂珊瑚墜用大珊瑚兩上下金鑲名
 工工身著大領窄袖綠錦短衣緣以獺皮袖口用五色線相接
 前鑲獺皮下著黑褐百摺裙名郭在足著白軟鞋其
 偏紅花緞帶白噶布倫下至

民著大領無袂裙亦亦然或帶白帽腰束皮或毛小刀順刀大懷木枕其襯於襠內開腰由頭髮積間頭髮從頂分兩旁束如繩後分一瓣若受聘則將聘定之色賈戴頂上嫁則復常戴紅綠栽絨尖頂小帽腳履康也皮鞋著卍字紅短褐裙名東
 波前著或紅褐或各色紬緞圍裙鑲錦花邊名斑帶上著小袖
 短衣齊腰名文肋或綾緞紬布毛褐為之外披栽絨小方单如
 衲子袈裟名繖手帶銀鑲珊瑚戒指名慈姑左手帶銀釧名則
 籠右手帶硨磲圈寬約二寸名同繡乃幼時所帶必磨斷乃已

以為死後不迷路耳帶金銀鑲綠松石墜長寸餘寬七八分後有小鉤穿於耳名額哥上連珍珠珊瑚串綴以銀鉤掛髮一名吞達下連珍珠珊瑚串長六七寸垂兩肩名重雜貴賤皆項掛念珠一二串白珊瑚青金碑磔至木珠不等富者帶密蠟珠有大如蓋者又帶銀盒名阿務內裝護身佛及子母藥膏前必掛銀鑲珠石環長約三四寸寬寸餘兩頭有鉤凡披方單白兩肩以其環扣著於臂名滴溜富則帶珍珠帽以木作胎如笠而厚內漆硃紅外以金鑲綠松石為頂胎之周遭皆密綴珍珠價有值千金者老年婦人以金鑲綠松石一片如鏡戴於額上名白玉凡帶白玉者親友必往賀凡婦女見喇嘛俱用紅糖或兒茶

塗已腮否則謂呈妍迷惑僧人罰不宥其家居亦習用之此其服飾之大概也

禮儀西藏自噶布倫戴綳碟巴以下至番民見達賴喇嘛班禪佛皆卸帽合掌伸舌頂禮者三復垂手鞠躬聚足屏息至法座前達賴班禪以手摩其頂謂之討捨手凡進見必遞哈達一枚如中華投刺然若係平交則彼此交換為禮即書信中亦必置一哈達以示敬若路遇則卸帽垂手側立噶布倫以下見駐藏大臣及文武漢官與番民見噶布倫碟巴戴綳之禮同

婚姻西藏婚姻配合亦擇女婿取門戶男以識字者佳女以喜貿易識物價理家務為善若通媒妁惟富庶碟巴家有之餘多苟

合其納采問名則男家以哈達託一二親友云我有男願與某家女聯姻其媒持哈達至女家云某家有男欲求汝女為婦如彼此相樂則云我當擇日來是日女家徧招親友以俟之其媒攜男家酒並哈達至述其子弟行止年歲女家父母親友喜允則飲其酒各受哈達媒人并將往聘之金鑲綠松石戴於女首名色賈仍以茶葉衣服金銀犂羊肉若干為聘焉女家亦以禮答之如不允則男家之酒不飲哈達亦不受也至迎娶時男女家必先延客客亦各以衣裙等物助奩父母陪嫁田土牛羊衣飾至期不用車馬女家於門外搭棚內以三五方坐褥高鋪於中以麥子撒花扶女坐於上父母旁坐親友雁行坐用小几

桌列

備各食物數盤以茶酒

扶女步行遠則乘馬親友各將青稞糌粑及文則將茶哈達結一處贈散親友送至男家各不扶女與婿以茶酒踰刻始分坐親友各將哈達與男長者於項下交置於懷或堆積坐前親友飲食畢各攜菓肉而回至次日男女父母及親友俱華服項戴哈達擁新婿新婦遶街游凡至親友門不延入惟以茶酒飲之飲酒則團圍攜手男女跌坐而歌如是三日乃止其俗女強男弱遇差徭輒派及婦人故一家弟兄三四人或娶一妻如生子女兄弟擇而分之其婦人能合三四弟兄同居者人皆稱美以其能於治家凡貿易多屬婦人如種田禾

紡毛線織毼子供烏拉皆笑其無能不以搖亂爲恥如有外交則明告其夫曰某爲我之英獨其夫怡然但夫婦悅則相守反目卽自擇所欲而適焉育子女不洗浴初生時其母以舌舐之至三日以酥油徧塗其身曝日中數日卽以炒麩調湯灌之多不與乳食稍長男子教書算或習一技女則教識戡秤習貿易紡毛線織氍毹不習女紅不拘閨訓而生育以女爲幸風俗信重喇嘛子女多有爲僧尼者或云免外番多丁之道其亦有所由來與

飲食番民多食糝粃牛羊肉奶子奶渣等物其性燥而茶所急需故不拘貴賤飲食皆以茶爲主其茶熬極紅入酥油鹽攪之飲茶食糝粃或肉米粥名土巴湯至牛羊肉多生食而食不拘時以饑爲度食少而頻男女老少多手掬而飲食之或用木碗食已以舌舐之納於懷飲蠻酒乃青稞所釀淡而微酸名嗒亦有青稞燒酒醉後男女相攜沿街笑唱爲樂其宴會之禮主人上坐客至不~~送~~送在主人上者始讓之酒尊以酥油塞口爲敬富者每月二三次貧者月亦必一次宴有棗杏葡萄牛羊肉亦各如其貧富以爲禮

喪葬凡人死均用繩縛令膝嘴相連兩手交插腿中以平日所著舊衣裹之盛以革袋男女羅哭復用繩繫屍於梁延喇嘛誦經量其貧富以酥油送大小詔供佛前點燈之用並將死者所有

丹直所至
物以半爲布施布達拉以半爲延請喇嘛念經並熬茶一應施
舍之費卽父子夫婦亦不私蓄一物其屍數日後負送剛人場
縛於柱碎剖其肉喂犬爲地葬其骨以石臼搗成粉和炒麩搓
團亦喂犬或飼鷹謂之天葬以爲大幸剛人之人亦磔巴管約
每剖一屍須費銀錢數十枚無錢則水葬棄屍於水以爲不幸
喇嘛死其屍皆以火化築塔凡人死親友弔唁窮者助以銀錢
富者以哈達慰問並送茶酒其孝服男女百日不著華服不梳
不沐婦人去耳墜念珠而已他無所忌富者時請喇嘛念經以
冀冥福至一年乃止大概其俗重壯輕老惡病終以戰歿爲甲
第

房舍 西藏亦多碉樓閒有平房稍大者其堂必刻桷雕楹備極
爛番民鄉居則傍山坡以便樵汲其部落多黑帳房拉撒中房
舍頗寬廠有大可容數百人者如大詔寺內設銅鍋一口盛水
至百餘擔以供念佛熬茶之用此其驗也其平地無隘之官舍
曰噶傍山碉房曰縱則其磔巴頭人據險之所

醫藥 西藏醫名厄木氣其藥與中國異產自藏地或購自西洋不
炮製閒用丸散遇病亦先診視而後用藥其診脈以左手執病
者之右手右手執病者之左手一時並診疾重始然若小疾則
以酥油徧體擦之曝於日中遇陰晦則以絨單覆病者以栢葉
燒煙薰之然不論病之輕重必延喇嘛念經或朱巴念誦祈禳

朱巴即道士之類或令童男女唱佛歌以祛之

卜筮西藏占卜之術不一或有喇嘛以紙畫八卦畫番字而占者亦有以青稞排卦抽五色毛索而占者或數念珠而占者或畫地而占者或燒羊骨或驗水碗其占卜之術不一頗有奇驗亦視所學之精淺婦人亦有通其術者又有筮遇事輒翻檢其經以告占者吉凶俱詳註經上其辭義與中國神籤相類

西藏貿易用銀錢每枚重一錢五分上有番字花紋亦以銀易錢而用所市有藏繭羊絨毯子氍毹藏香藏布及食物如葡萄核桃等物詳物產藏番男婦皆賣但不設闌閘惟席地貨之至細縷綾錦皆販自內地其貿易經營婦女尤多而縫紉則專屬

男子外番商賈有纏頭回民販賣珠寶白布回民賣氍毹藏錦卡契緞布皆販自布魯克巴巴勒布天竺等處有歪物子專販牛黃阿魏市中設碟巴一人平價值禁爭訟即外番至藏貿易者亦必有頭人同來譏禁

工匠西藏木石工匠俱極精巧凡金銀銅錫纍絲穿珠作器皿及婦女首飾皆與中國同而雕鏤玲瓏人物花卉無不象形惟肖

土語達賴喇嘛活佛之長班禪額爾德尼次於達賴胡土克圖畢勒罕

沙隆布三者皆衆活佛之稱拉撒佛地詔如牒巴頭目朱巴道士哈達三尺許素帛用作柬帖

康靴衣褚巴民糌粑炒麩為之烏拉背夫馱畜之稱商上納賦稅之所三壩橋密

本官土惹巴姓俄洛反江錯海

自成都至打箭爐程站

成都縣至雙流縣尖

雙流縣至新津縣宿

成都北走秦鳳東下荆襄南通六詔西拒吐蕃由錦城南門五

里過萬里橋即武侯送敬侯使吳處十五里過簇橋即今之蠶市十里過

金花橋十里至雙流縣漢廣都地出南門五里過南林鋪十里過黃

水河河自溫江縣南流四十里過縣東至彭山縣合岷江十里過串頭鋪新津縣境十五里過

花橋子十里至新津縣漢武陽地計程九十里驛程平坦沃野表延

萬里之行發軔於此

新津縣至斜江河尖

斜江河至邛州宿

新津出南門五里過太平場五里過鐵溪橋下為鐵溪河昔武侯烹鐵於此

十里至斜江河縣鶴鳴山東委十五里過高橋鋪二

十里過聖花堡十五里地天官橋十里至邛州漢臨邛地即司

君處州城南街有文君井計程九十里路亦平坦迤邐此則漸歷崎嶇矣

邛州至大塘鋪尖

大塘鋪至白站宿

邛州出南門過南河大渡即水由大通街上小坡十里過十里

橋十里過臥龍場十里過乾溪鋪滿江境也十里至大塘鋪十里過

萬工坡明藍玉取雲南鑿石開道費工萬餘故名二十里過吊枋鋪五里過墨竹關

八里過何家坪名山縣境七里至白站即百丈驛訛名白站有唐百丈縣故址計程九

十里

白站至名山縣尖

名山縣至雅安縣宿

白站十五里過洗馬池十里過白土坎石頭漫坡路十五里過和尚

腦十里至名山縣十五里過金雞關小岡上建廟十五里過桐子

林渡平羌江武侯故事十里至雅安縣計程九十里

雅安縣至觀音鋪尖 觀音鋪至榮經縣宿

雅安縣出南門五里上嚴道山原名鹿角山唐元宗改五里過對崖十里

過風木垭十里過八步石十五里至觀音鋪在山溪間十里過飛龍

關頂有古刹名龍興寺下山十五里過麻柳灣榮經縣境十里由廟過七縱河

源發瓦屋山武侯初擒孟獲處十里至榮經縣計程九十里

榮經縣至小關山尖 小關山至清溪縣宿

榮經縣出南門十里過磨刀溪十里由箐口站順溝而進過大

通橋十里過安樂壩清溪縣境十里過黃泥鋪上山十里至小關山

由溪內行林木障翳山谷陰森晴少雨多雲霧時結溝直上偏

仄難行十五里過大關山下岡五里過板房沿溝而上十五里

過長老坪即相嶺武侯會屯兵於此冬春雪盛險滑行旅戒焉十五里下山

過二十四盤即即山五里過羊圈門五里至清溪縣其地風夕時狂飈陡作房屋震撼窸窣有聲居人習慣不異也此地分路由南門即建昌路 計程一百十里

清溪縣至富莊尖 富莊至泥頭宿

清溪出西門下坡過溝復折上山十里過冷飯溝十五里過四

垭口五里至富莊俗名蠻莊三十里過陡溜子二十里至泥頭驛清溪

尉駐 計程八十里自過清溪縣鳥道羊腸日益加險而蠻煙瘴

舟車所至 西藏紀聞

雨亦漸繪邊微之景矣

泥頭驛至林口尖

林口至化林坪宿

泥頭走山溝中由老君劍

水急如劍故名其地有裸羅乃昔羌人也

十五里過高橋

上三角坪二十里至林口復下溝紆折登坡十五里經伏龍寺

十里上飛越嶺

唐置飛越縣於山足旋廢

山勢陡峻怪石巉巖逼人面起終

年積霜雪懶雲下垂山足行旅如在層霄此內地第一險阻也

山頂有隘過隘卽下山十五里陡坡無駐足處至化林坪

沈邊土司

屬山頂有一海廣不過三里居民取汲焉計程七十五里

化林坪至冷磧尖

冷磧至爐定橋宿

化林坪峻嶺臨江斜盤鳥道下山二十里過龍壩舖

有伊公溝水繞此流

入瀘

右走沈村

現今沈邊土官余國璽游牧處

左過小河十里至冷磧

現今冷邊土官

周廷棟住牧處

二十里過瓦角十里過安樂村十五里至爐定橋

設巡司

地稍溫暖河卽瀘水有鐵索橋

康熙四十年建東西長三十一丈一尺寬九尺施索九條覆板

木於上水頗險惡恃橋利濟計程七十五里

爐定橋至大烹壩尖

大烹壩至頭道水宿

爐定橋十五里過大岡塘五里過咱哩

現今土官古應洪住牧處

五里由黃

草坪過小烹壩十里過大烹壩復上小坡十里過冷竹關下溝

曲折十五里瓦斯溝十里至頭道水高崖夾峙一水中流居民

皆住山麓水聲碎訇如雷霆巖後有瀑布天矯噴噴亦一大觀

計程七十里

頭道水至柳楊尖

柳楊至打箭爐宿

頭道水五里過日地塘二十五里至柳楊一路深溝柳陰密菁十五里過沈坑十五里抵打箭爐計程六十里自成都至打箭爐共計程九百二十里

打箭爐番民番婦

打箭爐唐為吐蕃元時置碉門魚通黎雅長河西宜遠六安撫司明時長河西土官元右丞刺瓦蒙始通朝貢自淡

聖朝德化益慕華風其土司衣冠悉遵國制頭人逢歲節及進謁漢官著長領小袖無袂蟒緞褚巴便服也平時褚巴以綢緞氍毹為之帽皆販自臧冬戴狐皮狍狽以錦緞作胎平頂絲纓緣寬窄

無定制兩旁有袂夏戴錦帽緣飾蟒緞或片錦亦絲纓間以獺皮

覆頂上腰左插短刀足履革鞮番稱康所佩有荷包碗袋之類穿左

耳戴紅珊瑚或綠松石大緣白爐至河口番民皆著白毡子及毛

褐粗氍毹褚巴閒著氍毹短衣冬戴大毛皮帽夏戴絲帽亦穿左

耳戴錫鍊墜著革鞮或赤足識字者腰繫小鍊筒內插竹簽繫小

銅盒或漆盒貯墨水寫字時以簽蘸墨水席地用皮紙摺疊成行

置膝上自左而右橫書之蠻婦首飾平分其髮作兩辮以紅哈達

互交於頂中列銀鑑飾以珊瑚綠松石密蠟銀錢復以碑磔如髻

懸於後身內著無袖短衣外披小方單繫百摺裙足亦著康其富

者背大革帶綴珠寶炫麗商賈在爐必役蠻女曰沙鴉交易貨物

俱聽沙鴉較價值如牙行而并曰箕帚之事亦以身任之不為異
 所居之宇曰碉樓近亦多平屋碉樓壘石如浮屠人以梯上下堅
 足禦鎗礮其蓋藏之區棲止之舍炊爨之所畜溷之地皆因其廣
 狹位置焉飲牛乳茶青稞酒食則糌粑牛羊肉糌粑者以青稞炒
 麩為之俗信佛病不任醫藥延喇嘛然酥油燈焚香蘸水祈禱死
 則葬以水火飼諸鷹犬而已俗有跳歌粧之戲蓋以婦女十餘人
 首戴白布圈帽如箭鴿著五色綵衣攜手成圍騰足於空團圍歌
 舞度曲亦靡靡可聽所謂異方之樂也歲時伏臘以及宴會多以
 此為樂自爐至藏雖相距迢遞而風氣相近習俗服色蓋大同而
 小異耳

打箭爐番民番婦圖



打箭爐至裡塘程站

打箭爐至折多宿

打箭爐出南門十里過工竹卡凡差使至此始照口外例支應平坡逶迤四十里至折多山麓有塘舖有旅舍崇岡在望崦嵫逼人自此出口一攬山川之勝亦足以廣聞見第蠻荒冰雪中常使人心懾耳計程五十里

折多至提茹尖

提茹至阿娘壩宿

折多過山山雖長不甚峻產大黃藥氣薰蒸過者多氣喘秋冬積雪瀰漫三十里過坡礪行漫坡亂石中二十里至提茹有塘舖二十里過納哇路不甚阻下山南行十五里至阿娘壩土產

饒多地方儼有富庶之象計程八十五里

阿娘壩至瓦切尖

瓦切至東俄落宿

阿娘壩行三十里道路平坦至瓦切過俄松多橋經小營官寨子復歸大路行十五里過打納石有土人數十家有柴草十里至東俄落有塘舖計程五十五里

東俄落至高日寺尖

高日寺至臥龍石宿

東俄落南行過大雪山二深林密箐矗如玉立人跡罕逢三十里至高日寺循海子而南三十里穿大松林下山十五里至臥龍石有旅店有塘舖計程七十五里

臥龍石至八角樓尖

八角樓至中渡宿

臥龍石西行一路平衍荒涼特甚六十里至八角樓有塘舖間
有旅店然廢置無常再行六十里至中渡即河口過河所謂雅
龍江也設外委一員兼司渡船夏秋以舟渡冬春則列船爲浮
橋濟行旅蠻人以牛皮船渡逐浪上下望之如水中島凡官差
過此在河東宿者明正土司供役過河西宿者裡塘土官供役
計程一百二十里

中渡至剪子灣尖

剪子灣至西俄落宿

中渡過河上山行三十五里過麻蓋中有碓房有柴草此站路險遠難
行且多夾壩行人或宿麻蓋以均途程且四十里上大雪山至
戒備焉然必人少始可多則不能容矣
剪子灣有塘舖山頗陡險亦有瘴氣下山復盤折登山四十里

過波浪工汛設有駐防塘舖以防夾壩強盜也十里下山又十里

至西俄落設有塘舖及土百戶供給差役有柴草換烏拉背夫也

西俄落至咱馬拉洞尖 咱馬拉洞至火竹卡宿

西俄落路經小山進溝過大雪山下坡共行四十里至咱馬拉
洞林深谷邃夾壩最多有塘舖三十里至蠻卡復越小山下灣
名亂石窖再折而上小岡又順山溝而下行三十里復翻過大
山二十里至火竹卡有人戶柴草設有駐防塘舖計程一百十
里

火竹卡至火燒坡尖 火燒坡至裡塘宿

火竹卡過小橋沿河紆折登小山二十五里至火燒坡下坡即平原二十五里抵裡塘有駐防塘舖換烏拉有市廛番漢雜處二百餘家計程五十里自打箭爐至裡塘六百八十里

裡塘番民番婦

裡塘附近爐城漸習禮法土司衣冠亦遵 國制頭人著氍毹細毳褚巴餘白中渡以外多著青氍毹子帽以羊皮染黃為緣以麻線染紅為緯足著雙梁康土人謂靴曰康婦首多髮常分作小辮盤結於頂亦以珍玩飾但性不喜潔猶仍其陋

裡塘番民番婦圖



裡塘至巴塘程站

裡塘至頭塘宿

裡塘西南行三十里過大木橋上阿喇栢桑山峻嶺層巖日色
與雪光交燦二十里至頭塘即公撒塘番名額柴草人戶俱無
僅有塘舖官則裡塘烏拉駝載以給客則自攜帳房裹糧從事
焉計程五十里

頭塘至乾海子尖

乾海子至喇嘛了宿

頭塘寒風凜冽凍綻肌膚從此愈行愈冷上山過黃土岡行四
十里至乾海子又經爛泥壩及虎皮溝上山下嶺盤旋五次大
石森立橫梗道塗樹木交遮流泉千匝均係夾壩出沒之區行

四十里過拉爾塘有塘舖上喇嘛山二十五里至喇嘛了有柴
草人戶計程一百五里

喇嘛了至二郎灣尖

二郎灣至三壩塘宿

喇嘛了由溝上山越雪嶺四層石山礪礪不生樹木過嶺則深
林密菁水草徧地共行五十五里至二郎灣有塘舖無人戶由
山足進溝順溝而下路稍平過著東塔五十五里至立登三壩
番人稱壩為橋此裡巴二塘交界處有塘舖少柴草計程一百
十里

三壩塘至松林口尖

松林口至大所塘宿

由三壩行亂石縱橫青松蔽日過巴山有海子下山枯樹參橫

絕不聞鳥雀聲五十里至松林口下溝路平五十里過巴隆達河至大所塘地居溝口有塘舖碓房柴草計程一百里

大所塘至崩察木尖

崩察木至小巴冲宿

大所進溝上大雪山三十里至巔高險非常雪凌瀾漫越山而下有樹林繞路六十里至五崩察木有塘舖無人戶道路險阻下山行四十里至小巴冲有碓房柴草頭人給役計程一百三十里

小巴冲至巴塘宿

小巴冲順溝而進上小坡雜木叢生陟降五十里出溝口抵巴塘其地沃野千里水泉環繞日麗風和豁人心目計程五十里

自裡塘至巴塘五百四十五里

巴塘番民番婦

巴塘土司頭人衣冠悉與打箭爐同其餘番民多布衣或青或藍帽鞋襪間有如內地者不薙髮長則剪之婦裝束亦如打箭爐惟不事首飾履尙紅綠色爲少異其屬江卡頭人戴寬緣金緞帽足履草鞋婦首辮髮戴八柱如翠圍式耳貫哪嚨大圈繫紅珠於下復以線縛於耳石板溝頭人不薙髮著褚巴貌猙惡出攜弓矢鎗槩結隊行遇旅客則施空鎗以相恐婦結兩辮多著白褚巴阿足自乍了以外番人戴白氊笠著青褚巴婦僅結一辮下垂其餘服飾俱與打箭爐同

巴塘番民番婦圖



自巴塘至察木多程站

巴塘至察木多程站

牛古至竹巴籠宿

巴塘西南行過一小山自巴塘至西藏途次有醉馬草馬食如醉輒疲乏不能行經茶樹頂

復上大山鳥道臨江勢最險要四十里至牛古有河可通舟楫直抵宿處復

沿山行景物暄麗道路透迤五十里至竹巴籠天氣溫煖有碕

房柴草駐防塘舖計程九十里

竹巴籠至公拉尖

公拉至莽里宿

竹巴籠渡江即金沙江通四川馬湖四十里公拉有柴草頭人給役由山

凹中行五十里過空子頂有塘舖山峻亦夾壩出沒之區上下

四十里至莽里即莽嶺有人戶柴草有熱傲供給差役凡熱傲碟巴皆番中

頭人換烏拉計程一百三十里

莽里至南墩尖

南墩至古樹宿

莽里過龍新山春冬多積雪三十里過邦木有礪房柴草有塘
舖中有寧靜山勒碣石與西藏分界南行經大山五十里至南
墩有漢人寺每年七月巴察兩地客民皆雲集貿易如內地廟
會過山四十里至古樹有人戶柴草塘舖計程百二十里

古樹至普拉尖

普拉至江卡宿

古樹過漫山雲霧四垂間有瘴厲路亦崎嶇四十里至普拉有
人戶平房柴草有喇嘛供役多黑帳房番民行漫坡六十里至
江卡有礪房柴草駐防塘舖計程一百里

江卡至山根尖

山根至黎樹宿

此下山僻荒涼稱惡八站

江卡行四十里過淶河十里至山根上大雪山終年積雪即盛
夏亦涼颼刺骨復越小山上七十里至黎樹有人戶柴草駐
防塘舖換烏拉計程一百十里

黎樹至阿拉塘尖

阿拉塘至石板溝宿

黎樹過漫坡樹木環映五十里至阿拉塘屬阿有人戶柴草換
烏拉番人頗刁頑不馴又過小雪山二高下紆折六十里至石
板溝有人戶柴草駐防塘舖有頭人給役計程一百十里

石板溝至阿足塘宿

石板溝西南行過大雪山二寒輝騰耀射目迷離上下無可駐

足行人裹糧而前八十里至阿足塘屬乍蠻人狡猾殆亦習俗使然有駐防塘舖有頭人給役計程八十里

阿足塘至歌二塘尖 歌二塘至洛加宗宿

阿足塘過漫山二阿足河一水勢洶湧五十里至歌二塘經平川二十里上山三十里路最險要至洛加宗有塘舖頭人供給烏拉計程一百里

洛加宗至俄倫多尖 俄倫多至乍了宿

洛加宗沿溝而上傍山行路紆曲稍平第偏仄多偏橋四十里過木橋至俄倫多有柴草人戶復西南行四十里至乍了有寺院會典札雅廟有碉房柴草駐防塘舖換烏拉此地番民桀驁駕馭

不易計程八十里

乍了至雨撒尖 雨撒至昂地宿

乍了順溝行石徑蠶叢道多梗塞三十五里至雨撒有人舖柴草復西行過大雪山路甚險積雪如銀煙嵐之氣輒中人作病上下六十里至昂地有駐防塘舖有喇嘛供給烏拉計程九十五里

昂地至噶噶尖 噶噶至王卡宿以上惡八站

昂地順溝行三十里至噶噶上大雪山亂石崎嶇積雪層疊秋濤怒湧路復曲折上下行人肌寒作栗手指皸裂六十里至王卡有人戶柴草頭人換給烏拉有塘舖計程九十里

王卡至三道橋尖

三道橋至巴貢宿

王卡經熱水塘二十里至三道橋路平又二十五里紆折上山路轉峯迴五里至巴貢有塘鋪柴草有頭人供給計程五十里

巴貢至苦弄山尖

苦弄山至包墩宿

巴貢上大山多上下終日蹀躞於荒山中六十里至苦弄山根亦名窟窿山多石穴大者如堂皇小者如鐘盞掩映迴環上山行拗折而下四十里至包墩有頭人供給烏拉計程一百里

包墩至猛卜尖

猛卜至察木多即前宿

包墩沿河行十里過大山一小山二俱偏橋列如雲棧崎嶇難行上下六十里至猛卜一名孟舖有碉房柴草在山凹之中沿山臨

河復沿河登山行二十里過大山有地名小恩達皆木石搭偏橋路險窄不可騎行六十里過四川橋抵察木多即昌都有土城居民二百餘戶換烏拉計程一百五十里

自巴塘至察木多一千四百五里

察木多至拉里程站

察木多至俄洛橋尖

俄洛橋至浪蕩溝宿

察木多由南河而進偏窄多偏橋行者戒焉水複山重路通各部番境四十里至俄洛橋有人戶路稍平三十五里至浪蕩溝有碉房柴草可棲止焉計程七十五里

浪蕩溝至拉貢尖

拉貢至恩達寨宿

浪蕩溝二十里過裏角塘進溝上山由偏橋行險如前雪凌甚滑且有瘴氣八十里至拉貢有塘鋪碛房柴草有頭人給役二十里過松羅橋屬昌都上山四十里至恩達寨其重役夫馬則類伍齊倉儲巴供給焉計程一百六十里

恩達寨至牛糞溝尖

牛糞溝至瓦合寨宿

恩達寨二十里過恩達塘有塘鋪二十里過喇貢山二十里至牛糞溝二十里過瓦合山高峻百折山上有海子煙霧迷離有望竿合週天數矗立於土臺之上如大雪封山時必藉為標記過此戒勿出聲違則冰雹驟至山中四時俱冷鳥獸不至上下百里無炊煙二十里過脫膊梁下山三十里過瓦合塘有塘鋪

又二十里至瓦合寨

藏類伍齊

有頭人供役計程一百五十里

瓦合寨至麻利尖

麻利至嘉裕橋宿

瓦合寨西南行四十里至麻利有碛房柴草十里過山勢高聳下山繞河行偏橋疊見三十里至嘉裕橋番名三壩橋有碛房柴草兩山環抱一水中流天氣暄和地土饒美有塘鋪計程八十里

嘉裕橋至鼻奔山根尖

鼻奔山根至洛龍宗宿

嘉裕橋西南行上得貢喇山山勢陡峻上下二十五里詰屈如蛇形有松林路悉險窄多溜沙地五里過橋至鼻奔山根五十里至洛龍宗有碛房柴草換烏拉有塘鋪計程八十里

洛龍宗至曲齒尖

曲齒至碩般多宿

洛龍宗西南行經漫坡上坡山路陡險九十里過鐵凹塘大山

壁立有塘鋪順溝而行路稍平坦二十里至曲齒又名有大喇

嘛寺可尖可宿近新開一路繞東南避春夏水漲也五十里至碩般多居人稠

密物產亦饒有碉房柴草有駐防換烏拉計程一百六十里

碩般多至中義溝尖 中義溝至巴里郎宿

碩般多沿溝而上路平五十里過巴喇山不甚峻至中義溝山

路平坦五十里至巴里郎有碉房柴草有塘鋪頭人供給烏拉

但居人落落旅況增岑寂焉計程一百里

巴里郎至索馬郎尖 索馬郎至拉子宿

巴里郎進溝三十里上賽瓦合山通志作朔馬喇山邊風獵獵亂山皆

童二十五里至索馬郎又四十五里至納子沿山繞河而行

多溜沙足卻不前其地有塘鋪頭人給役柴草價昂蓋山兀地

荒故也計程一百里

拉子至邊壩即達隆宗尖 邊壩至丹達宿

拉子西南沿山上過必達喇山山路平坦上下十里下山路偏

仄河流縱橫水清淺可褰裳涉四十里至邊壩即達隆宗有塘鋪二

山橫跨四水環襟為西藏遼濶之區六十里至丹達有塘鋪營

官碟巴供役換烏拉計程一百十里

丹達至察羅松多尖 察羅松多至郎吉宗宿

丹達之麓有廟相傳雲南某叅軍解餉過此歿於王事屢著靈

異土人祀焉過山者必禱之十五里上魯貢拉山峭壁摩空中
一小溝蜿蜒上下夏則泥滑冬則成冰雪槽行人拄杖魚貫而
行不能並進此赴藏一險阻也三十里下山五里至察羅松多
五十里至郎吉宗有碣房柴草有塘舖碟巴供給差役計程一
百里

郎吉宗至大窩尖

大窩至阿蘭多宿

郎吉宗又名浪金溝曠野平坦換烏拉順壩而下有兩路一由山徑
路險窄一由溝路稍平惟夏日水漲多阻四十里至大窩塘有
碟巴供給差役路雖平而側進若谷順河而下五十五里至阿
蘭多有塘舖碣房柴草計程九十五里

阿蘭多至破寨子尖

破寨子至甲貢宿

阿蘭多西南行側身循溝而上南北俱有偏橋上山路險窄行
人凜然如墜三十里至破寨子又名阿南卡有橫石森如人立俗名
鸚鵡嘴鑿以為道四十里至甲貢屬拉里有柴無草有塘舖碟巴
供給差役計程七十里

甲貢至大板橋尖

大板橋至多洞宿

甲貢路崎嶇傍山而上下過小坡漫衍荒涼四十里至大板橋
四十里至多洞人煙寥落無傳舍有塘舖凡往來者即其汎棲
息地無柴草計程八十里

多洞至擦竹卡尖

擦竹卡至拉里宿

多洞塘附近水邊率水許而上二十里上大山山峯峭立雪凌
險滑視丹達無異六十里至擦竹卡通志作擦楷卡有熱水塘過山凹
中有一湖約寬七八里長十餘里冬春凍如平地行人履之無
所怖六十里抵拉里天冷柴草鮮少有駐防塘鋪堪布供給差
役而烏拉則類伍齊之所供給也計程百四十里
自察木多至拉里一千五百里

拉里至中藏程站

拉里至阿咱尖

阿咱至山灣宿

拉里由溝行復上大山危峯聳峙冰雪四時不消巉巖海岸風
起雪擁險滑難行五十里至阿咱有塘鋪碟巴供役再行三十

里有海子長四十餘里俗傳有獨角獸頗為怪八十里至山灣
有塘鋪少柴草計程一百六十里

山灣至常多尖

常多至寔多宿

由山灣上卓喇山峻險難行約四十餘里多冰雪積石嶙峋共
六十里至常多天時常如冬山皆不毛有塘鋪居人以樹皮為
屋僅數間炊煙零落屬江有碟巴供給烏拉六十里路稍平坦
至寔多有塘鋪計程一百二十里

寔多至過拉松多尖

過拉松多至江達宿

寔多路平順溝而下四十里至過拉松多過橋水潺湲激石有
聲橋以東屬江達四十里至江達地不甚寒有駐防塘鋪有柴

草計程八十里

江達至順達尖

順達至鹿馬嶺宿

江達在拉里之西南憑依山谷形勢險要有工布磔巴供給差役沿河而下六十里至順達有塘鋪沿溝而進河道分流林木陰翳一百里至鹿馬嶺有塘鋪山高無險阻約四十里視前歷之冰雪峻嶒怵心刺目者居然平易矣計程一百六十里

鹿馬嶺至堆達尖

堆達至烏蘇江宿

鹿馬嶺進溝而上下約四十里山路坦夷微有瘴厲寒風凜冽夏無盛暑八十里至堆達又名穡有塘鋪煙火寥寥柴草亦稀穡倉順河繞溝而下過竹貢六十里至烏蘇江路俱坦有塘鋪小磔

巴支應柴草牛羊去衛藏佛國較近別開奇境矣計程百八十

里此站道路過遠有卽堆達宿者

烏蘇江至仁進里尖

仁進里至墨竹工卡宿

烏蘇江水勢平緩順河西行雖僻處一隅而程途夷坦迥異前險六十里至仁進里在喇嘛寺尖有塘鋪行人如僕馬告瘁至此可憩息焉由東北上七十里至墨竹工卡有塘鋪磔巴給役計程百三十里

墨竹工卡至拉木尖

拉木至德慶宿

墨竹工卡正北接察木多草地其水西流至藏卽藏河也水驛有皮船四十里至拉木有房舍柴草稀少寺院幽敞人稠地廣

遶河而下五十里過占達塘復西行三十里至德慶計程百二十里

德慶至蔡里尖

蔡里至中藏宿

德慶其地多候館往來者恆棲止路旁有塘鋪繞道而下四十里至蔡里一作采里俗傳西游記小說所記之高老莊有磔巴供給柴草與前藏隔一水二十里抵前藏有駐防在藏之北名三珠剛又其地四山環峙儼若城垣水秀山奇宛然福地計程六十里

自拉里至中藏一千十里

自打箭爐至中藏通共五千里

三藏番民番婦自拉里察木多等處至後藏等處畧同

察木多至拉里其地俱屬衛藏察木多之正副胡土克圖戴黃尖頂氊帽著紫羊絨偏單履革鞮自包墩以至寧多頭人番民服飾均與藏同惟察木多女未嫁髮順披嫁則以珊瑚作兩花如菊分戴額上拉里女嫁則以綠松石鑲團花如鏡戴額上名玉老後戴一冠名策勒插一簪名押籠鹿馬嶺一帶人頗勇健知貿易女未嫁髮順披嫁則將髮交叉以紅哈達作圈結頂上其餘與藏無異至於衛藏白達賴喇嘛班禪額爾德尼以下番民男戴高頂紅纓氊帽著長領褐衣項掛念珠婦披髮垂後亦有辮髮者或戴紅氊涼帽能織番錦毛剝足履康男婦服飾與打箭爐相似但豐儉不同耳具詳夢識畧中

三藏番民番婦圖



中藏至後藏程站

中藏至登龍岡尖

登龍岡至業黨宿

佛地四十里過大橋至登龍岡有房舍順河而行又四十里業黨有塘鋪房舍有碟巴供給柴草計程八十里路皆平坦

業黨至僵里尖

僵里至曲水宿

業黨亦順河行經崖塌三亦不甚險阻四十里至僵里又五十里從阡陌行河流委折至曲水有蝎子洞犯死罪者縛至洞令食之沃野平原綿亘百里有房舍柴草有碟巴給役計程九十里

曲水至岡把擇尖

岡把擇至白地宿

曲水十五里至鐵索橋江流浩瀚甚險渡以木船過河三十五

里至岡把擇有房舍柴草上下一大山四十里過殺馬隴柴草稀少又行平地五十里至白地有塘舖柴草計程一百二十里

白地至撻魯尖

撻魯至噶浪子宿

白地三十五里過葉賽十五里至撻魯有房舍柴草有歧路一由江孜一由然巴然巴春夏為商販所必經冬則雪凌阻滯且翁古一帶村落廣糧食乾隆五十三年西征已改由噶浪子五十五里路皆平坦有碟巴人戶計程一百五里

噶浪子至翁古尖

翁古至熱隆宿

噶浪子五十五里至翁古有碟巴人戶過山六十五里至熱隆有碟巴人戶路皆平坦從左分路通布魯克巴計程一百二十里

熱隆至谷洗尖

谷洗至江孜宿

熱隆七十里至谷洗又七十里江孜亦要隘也二地均有碟巴人戶柴草而江孜較多路俱平坦計程一百四十里

江孜至人進岡尖

人進岡至巴浪宿

江孜五十五里至人進岡又六十里至巴浪有碟巴人戶柴草行人可尖可宿計程一百十五里

巴浪至春堆尖

春堆至札什倫布宿即後藏

巴浪迤邐而進過大橋路坦七十里至春堆有碟巴人戶又四十里即札什倫布

自中藏至後藏九百里

後藏至聶拉木程站

札什倫布至乃黨尖	乃黨至拉爾宿	計程九十里
拉爾至邦尖	邦至乃安宿	計程一百里
乃安至熱隆尖	熱隆至札什岡宿	計程一百十里
札什岡至半達尖	半達至彭錯嶺宿	計程九十五里
彭錯嶺至乍喜宋尖	乍喜宋至札塘宿	計程一百里
札塘至沙巴都尖	沙巴都至納子宿	計程一百里
納子至白佳紀岡尖	白佳紀岡至雜務宿	計程九十五里
雜務至山根尖	山根至甲錯白宿	計程一百十里
甲錯白至油共有尖	由共有至拉古籠古宿	計程一百里

拉古籠古至羅羅尖

羅羅至脇噶爾宿

計程一百五里

由脇噶爾 八十里 滅猛

九十里 第哩郎古

九十里 彌木耳

一百二十里 擦木達

九十里 下馬卡

一百二十里 噶叭角爾杆

八十里 碩馬拉杜

一百二十里 重噶爾

九十里 宗喀

由宗喀繞道九十里 嗎爾

一百二十里 滾達

八十里 卓黨

一百一十五里 塘竹

八十里 濟龍

由濟龍繞道八十六里 俄龍

一百二十里 絨索

七十五里 札林多

八十五里 絨轄

一百一十五里至 聶拉木

自後藏至聶拉木二千八百五十一里

自成都至聶木通共九千八百一十一里

阿里噶爾渡番民番婦

阿里噶爾渡部落在藏地之西與後藏札什倫布三桑接壤向爲頗羅廂長子朱爾嗎特策登駐防處其番民帽高尺餘以錦與緞爲之帽緣不甚寬頂綴緯番婦帽以珠下垂前後如旒密遮面頂閒著圓領大袖衣繫褐裙見官長不除帽惟以右手指自額上念唵嘛牛者三

木魯烏素番民番婦

木魯烏素部落在藏之北稍東與西寧接壤其地與達木霍爾番子相參雜居番民衣帽同蒙古番婦戴白羊裘帽或狐皮帽辮髮以磚礫珠石並大小銅環紐結戴髮閒下垂至足踝行則鏘鏘有

聲著褚巴繫磚礫帶著卷皮履又另一種也

布魯克巴番民番婦

布魯克巴部落在藏地之西南本西梵國屬雍正十年始歸誠其地天時和煖物產亦與中國相似南行月餘接天竺國界番民披髮裹白布如巾幘然著長領褐衣肩披白單手持念珠婦女盤髮後垂加以素冠著紅衣繫花褐長裙肩披青單頂垂珠石纓絡圍繞至背俗皆皈依紅教崇佛誦經

狍猯茹巴番民番婦

狍猯野人國在藏地之南數千里其人名老卡止荒野蠢頑不知佛教嘴剖數缺塗以五色性喜食鹽不耕不織穴處巢居冬衣獸

皮夏衣木葉獵牲並捕諸毒蟲以食衛藏凡犯罪至死者解送赴怒江羣老卡止分而啖之

巴勒布番民番婦

巴勒布亦名別峯在藏地西南與聶拉木接壤計程幾兩月其地天時和煖產稻穀蔬菓紬緞木綿孔雀向有三罕曰布顏罕曰葉楞罕曰庫庫木罕雍正十年遣使來藏駐藏大臣奏請內附嗣爲其族廓爾喀所并乾隆五十三年廓爾喀酋長喇納巴都爾與西藏以交易滋事勞

王師遠涉逆番始震讐投誠遣頭人瑪木薩野入貢其番民皆薙髮蓄小辮聯鬢短髯似西室回鶻尙容飾額上塗白土二豎眉間塗紅土一丸用金珠鑲花綴兩耳以布纏頭賤者用白貴者用紅著青白色小袖衫以布束腰著尖頭革鞮佩短刀狀如牛角有鞘臂挽一黑漆皮籐牌徑約三尺番婦披髮赤足鼻孔穿金銀圈然亦梳洗尙潔第番性難馴前曾妄逞不靖侵擾藏界伏見廟算軍威殲逆易於摧朽拓我疆土永靖邊陲爰謹陳其概以備職方象胥之採擇焉

白木戎附

由後藏塞爾地方行十餘日交白木戎界再半月餘至宗里口山崖壁立往來者必以木梯度之又數日始至白木戎住牧地所屬種類繁多一名蒙身著布衣不遵佛教一名總幼時卽以

五色塗成花面一種名納昂男女俱不著衣裊下以白布纏之
 臥時以木為枕一種名仍撒男著短衣齊膝婦女下體亦以布
 遮重著裊不著上衣惟白木戎男婦皆披藏紬偏單行坐必佩
 刀其地和煖出產稻麥豆青稞菜蔬菓大羝羴羊大耳猪崖羊
 又產野象獨角獸等物亦呼為小西天地連朱巴中以巴隆江
 為界白木戎東至朱巴南至西天烏盆子西至白布北至日蓋
 子曰蓋子者即札什倫布仍仲益翁結巴寺之後山也由白木
 戎西去十餘日交小西天界再行十餘日始至小西天從此登
 舟涉海約半月即至大西天矣

評小西天大西天皆小西洋地
 路遠未能攷實約畧言之耳

以上五處部落番民番婦繪圖附後

阿里噶爾渡番民番婦圖




木魯烏素番民婦圖



布魯克巴番民婦圖



圖婦番民番巴茹猷貉



圖婦番民番布勒巴



居士評曰藏地僻在西陲歷代叛服不常從未內附

本朝發祥東土班禪達賴已歷數萬里來朝願備藩服及後車書一統百餘年中稍有不靖乃駐兵防鎮以守藏大臣繼且以前藏部落分隸川滇兩省去其汗王貝子之封邊徼從此安恬矣乾隆間其隣廓爾喀來擾一經撻伐即鼠竄喙息卑詞乞盟

聖天子威武如神雖荒服之外亦莫不稽顙接踵納贐獻琛三藏遐陬不啻等之內地是誠非常之德業也至其人共惑佛教不揣經乘之虛無甘受輪迴之欺罔欲消罪孽骸骨無存冀得超昇炙割惟命此其愚深可憫也而且婚姻昧義苟合成風禽獸無禮廉恥不顧佛亦耽於歡喜民皆溺於滯昏日下江河於何

底柱乎竚見

王化所及革其舊染之汚弱水流沙禮樂興而人心正百蠻重譯道德一而風俗同率土之濱咸鼓舞於聲教之無遠弗届也猶與庶哉

